

नंदी

श्लोक १ से ४४

सूत्र १ से १२७

२४७-२८०

महावीर-त्थुई १, संघ-त्थुई ४, नित्थगरावलिआ १८, गणहरावलिआ २०, सासण-त्थुई २२, थेरावलिया २३, परिसा-पदं ४४, नाण-पदं २, पच्चक्ख-पदं ४, ओहिनाण-पदं ७, मणपज्जवनाण-पदं २३, केवलनाण-पदं २६, परोक्खनाण-पदं ३४, आभिणिबोहियनाण-पदं ३७, उप्पत्तियाबुद्धि-श्लो० २, बेणइया बुद्धि-श्लो० ५, कम्मया-बुद्धि-श्लो० ८, परिणामियाबुद्धि-श्लो० १०, सुयताण-पदं ५५, दुवालसंग-विवरण-पदं ८१ ।

अज्ञानंदी

सूत्र २८

२८१-२८५

नंदी

नंदी

महावीर-नभुई

१. जयइ जगजीवजोणी-वियाणओ जगगुरु जगणंदो ।
'जगणाहो जगबंधू जयइ जगप्पियामहो भयव' ॥
२. जयइ 'सुयाणं पभवो' तित्थयराणं अपच्छिमो जयइ ।
जयइ गुरु लोगाणं, जयइ महप्पा महावीरो ॥
३. भइं सब्वजगुज्जोयगस्स भइं जिणस्स वीरस्स ।
भइं सुरासुरणमंसियस्स भइं धुरयस्स ॥

संघ-स्थुई

४. गुणभवणं-गहण ! सुययणभरिय ! दंसण-विसुद्ध-रत्यागा !
संघणगर ! भइं ते, अक्खंडचारित्तं-पागारा !
५. संजम-तव-तुंबारयस्स नमो सम्मत्त-पारियत्तस्स ।
अप्पडिचक्कस्स जओ, होइ सया संघचक्कस्स ॥
६. भइं सीलपडागूसियस्स तव-नियम-तुरय-जुत्तस्स ।
संघरहस्स भगवओ, सज्जाय-सुनंदि-घोसस्स ॥
७. कम्मरय-जलोह-विणिग्गयस्स सुययण-दीहनालस्स ।
पंचमहव्वयथिरकण्णियस्स गुणकेसरालस्स ॥
८. सावगजणमहुअरिपरिवुडस्स जिणसूर-तेयबुद्धस्स ।
संघपउमस्स भइं, समणगण-सहस्सपत्तस्स ॥ (जुम्मं)
९. तव-संजम-मय-लंछण ! अकिरिय-राहुमुह-दुद्धरिस ! निच्चं ।
जय संघचंद ! निम्मल-सम्मत्त-विसुद्धजुण्हागा !
१०. परतित्थिय-गह-पह-नासगस्स तवतेय-दित्तलेसस्स ।
नाणुज्जोयस्स जए, भइं दमसंघसूरस्स ॥

- | | | |
|---------------------------------------|-------------------|------------------------------------|
| १. जिणवसभो | सललियवसभविक्कमगतो | 'भइं सील'० असो च चतुर्थी विद्यते । |
| महावीरो (तूपा) । | | ४. अक्खंडचारित्त (क, ख) । |
| २. सुयाणप्पभवो (ख) । | | ५. होइ (क, ख) । |
| ३. चूणो 'गुण भवण'० असो गाथा षष्ठी तथा | | ६. सुणेमि (मपा, हपा) । |

११. भदं धिइ-वेला-परिगयस्स^१ सज्झायजोग-मगरस्स ।
अक्खोभस्स भगवओ, संघसमुद्दस्स रुंदस्स ॥
१२. सम्महंसण-वइर^२-दढ-रूढ-गाढावगाढ-पेढस्स ।
घम्मवर-रयण-मंडिय-चामीयर-मेहलागस्स ॥
१३. नियमूसिय-कणय-सिलायलुज्जल-जलंत-चित्तकूडस्स ।
नंदणवण-मणहर-सुरभि-सील-गंधुद्धमायस्स^३ ॥
१४. जीवदया-सुंदर-कंदरुद्धरिय-मुणिवर^४-मइंद-इण्णस्स ।
हेउसय-धाउ-पगलंत-रयण^५दित्तोसहि-गुहस्स ॥
१५. संवर-वरजल-पगलिय-उज्झर-प्पविरायमाण-हारस्स ।
सावग-जण-पउर-रवंत-मोर-णच्चंत-कुहरस्स ॥
१६. विणय-णय^६-पवर-मुणिवर-फुरंत-विज्जु-ज्जलंत-सिहरस्स ।
'विविहगुण-कप्परुक्खग-फलभर-कुसुमाउल-वणस्स'^७ ॥
१७. नाण-वररयण-दिप्पंत-कंत-वेरुलिय-विमल-चूलस्स ।
वंदामि विणयपणओ, संघमहामंदरगिरिस्स^८ ॥ (छिहं कुलयं)

तिस्थगरावलिआ

१८. वंदे उसभं अजिअं, संभवमभिनंदगं सुमइ-सुप्पभ-सुपासं ।
ससि-पुप्फदंत-सीयल-सिज्जंसं वासुपुज्जं च ॥
१९. विमलमणंत यं घम्मं, संति कुथुं अरं च मल्लि च ।
मुणिसुव्वय-नमि-नेमि^९ पासं तह वद्धमाणं च ॥ (जुम्मं)

गणहरावलिआ

२०. पढमित्थ इंदभूई, वीए पुण होइ अग्गिभूइ त्ति ।
तइए^{१०} य वाउभूई, तओ वियत्ते सुहम्मे य ॥
२१. मंडिय-मोरियपुत्ते, अकंपिए चेव अयलभाया य ।
मेयज्जे य पहासे य, गणहरा हुंति वीरस्स ॥ (जुम्मं)

सासण-स्थुई

२२. निव्वुइ^{११}-पह-सासणयं, जपइ सया सव्वभावदेसणयं ।
कुसमय-मय-नासणयं, जिणिवरवीरसासणयं ॥

१. परिवुडस्स (चू) ।

२. वरवइर (ख) ।

३. गंधुद्धमा^० (चू) ।

४. मुणिगण (चू) ।

५. रत्त (पु) ।

६. मय (चू) ।

७. विविहकुलकप्परुक्खगणयभरकुसुमियकुलवणस्स
(चू) ।

८. अतोप्रे प्रत्योः गाथाद्वयं प्राप्यते—

गुणरयणुज्जलकूडयं, सीलमुगंधितवमंडिउद्दसं ।

सुयवारसंगसिहरं, संघमहामंदरं वंदे ॥

नगररहचक्कपउमे, चंदे सूरे समुद्दमेरुम्मि ।

जो उवमिज्जइ सययं, तं संघगुणायरं वंदे ॥

चूणो वृत्तौ च नास्ति व्याख्यातम् ।

९. इ (पु) ।

१०. णमी (पु) ।

११. तईए (क, ख) ।

१२. एषा गाथा चूणौ नास्ति व्याख्याता ।

बेरावलिपा

२३. सुहम्मं अग्निवेसाणं, जंबूनामं च कासवं ।
पभवं कच्चायणं वंदे, वच्छं सिज्जंभवं तथा ॥
२४. जसभद्दं तुंगियं वंदे, संभूयं चैव माढरं ।
भद्दबाहुं च पाइण्णं, थूलभद्दं च गोयमं ॥
२५. एलावच्छसगोत्तं^१, वंदामि महागिरिं सुहत्थि च ।
तत्तो कोसियगोत्तं^२, बहुलस्स सरिच्चयं वंदे ॥
२६. हारियगुत्तं साइं, च वदिमो हारियं च सामज्जं ।
वंदे कोसियगोत्तं, संडिल्लं अज्जजीयधरं^३ ॥
२७. तिसमुद्द-खाय-कित्ति, दीवसमुद्देसु गहिय-पेयालं ।
वंदे अज्जसमुद्दं, अक्खुभिय-समुद्द-गंभीरं ॥
२८. भणगं करगं भरगं, पभावगं णाण-दंसण-गुणाणं ।
वंदामि अज्जमंगुं, सुय-सागर-पारगं धीरं^४ ॥
२९. नाणम्मि दंसणम्मि य, तव-विणए णिच्चकालमुज्जुत्तं ।
अज्जं^५ नंदिलखमणं, सिरसा वंदे पसण्णमणं ॥
३०. वड्ढउ वायगवंसो, जसवंसो अज्ज-नागहत्थीणं ।
वागरण-करण-भंगी^६-कम्मपयडी-पहाणाणं ॥
३१. जच्चंजण-धाउसमप्पहाण मुदीय^७-कुवलयनिहाणं ।
वड्ढउ वायगवंसो, रेवइनक्खत्तनामाणं ॥
३२. अयलपुरा निक्खंते, कालियसुय-आणुओगिए धीरे ।
बंधीवग-सीहे, वायगपयमुत्तमं पत्ते ॥
३३. जेसि इमो अणुओगो, पयरइ अज्जावि^८ अड्ढभरहम्मि ।
बहुनयर-निग्गय-जसे, ते वंदे खंदिलायरिए ॥
३४. तत्तो हिमवंतमहंत-विक्कमे^९ धिइ-परक्कममणंते^{१०} ।
सज्जायमणंतधरे^{११}, हिमवंते वदिमो सिरसा ॥
३५. कालियसुयअणुओगस्स धारए धारए य पुव्वाणं ।
हिमवंतखमासमणे, वंदे णागज्जुणायरिए ॥

१. एलावच्छस० (क, ख) ।

२. कासवगोत्तं (चू); गुत्तं (क, ख) ।

३. जीवधरं (चूपा) ।

४. अतोप्रे प्रत्योः, गाथाद्वयं प्राप्यते—

वंदामि अज्जधम्मं, तत्तो वंदे य भद्दगुत्तं च ।

तत्तो य अज्जवड्ढरं, तवनियमगुणेहि वड्ढरसमं ॥

वंदामि अज्जरक्खियखमणे रक्खियचरित्तसव्वस्से ।

रयणकरंडगभूओ, अणुओगो रक्खिओ जेहि ॥

चूणौ वृत्तौ च नास्ति व्याख्यातम् ।

५. अज्जा (क); अज्ज (ख) ।

६. भंगिय (क, ख, ह) ।

७. मुद्दिय (क, ख) ।

८. अज्जोवि (क, ख) ।

९. विक्कमं (ह) ।

१०. महंते (ख, चू); मणंतं (ह) ।

११. धरं (ह) ।

३६. मिउ-मह्व-संपण्णे, अणुपुण्वि वायगत्तणं पत्ते ।
ओह-सुय-समायारे^१, नागज्जुणवायए वंदे^२ ॥
३७. 'वरतविय-करण'^३-चंपग-विमउल^४-वरकमल-गन्म-सरिवण्णे ।
भविय-जण-हियय-दइए, दया-गुण-विसारए धीरे ॥
३८. अड्ढभरह-प्पहाणे, बहुविह-सज्झाय-सुमुणिय-पहाणे ।
अणुओगिय-वर-वसभे^५, नाइल-कुलवंस-नंदिकरे ॥
३९. 'भूयहिअ-प्पगब्भे'^६, वंदेहं भूयदिण्णमायरिए ।
भव-भय-वुच्छेयकरे, सीसे नागज्जुणरिसीणं ॥ (विसेसयं)
४०. सुमुणिय-णिच्चाणिच्चं, सुमुणिय-सुत्तत्थ-वारयं निच्चं ।
वंदेहं लोहिच्चं, सव्भावुब्भावणा-तच्चं ॥
४१. अत्थ-महत्थ-क्खाणि^७ सुसमण^८-वक्खाण-कहण-निव्वणि^९ ।
पयईए महुरवाणि^{१०}, पयओ पणमामि दूसगणि^{११} ॥
४२. सुकुमाल-कोमल-तले, तेसि पणमामि लक्खण-पसत्थे ।
पाए पावयणीणं, पाडिच्छगसएहि पणिवइए ॥
४३. जे अन्ने भगवते, कालिय-सुय-आणुओगिए धीरे ।
ते पणमिऊण सिरसा, नाणस्स परूवणं वोच्छं ॥

परिसा-पदं

४४. १ सेल-वण २ कुडग ३ चालणि, ४ परिपूणग ५ हंस ६ महिस ७ मेसे य ।
८ मसग ९ जलूग १० बिराली, ११ जाहग १२ गो १३ भेरि १४ आभीरी^{१२} ॥

१. समायरए (ह) ।

२. प्रत्याः षट्त्रिंशत्तमगाथानंतरं गाथायुगलमधिकं
दृश्यते—

गोविदाणं पि नमो, अणुओमे विउलधारणिदाणं ।
णिच्चं खंतिदयाणं, परूवणे दुल्लभिदाणं ॥
तत्तो य भूयदिन्नं, निच्चं तवसंजमे अनिद्विण्णं ।
पंडियजणसामण्णं, वंदामि संजमविहण्णू ॥

चूणो वृत्ती च नास्ति व्याख्यातम् ।

३. वरकरणगतविय (क, ख, ह); तवियवरकरण
(चू) ।

४. विउल (क, ख) ।

५. वसंहे (चू) ।

६. °हियअप्प० (क, ख)

७. खाणी (ह) ।

८. सुसवण (चूपा) ।

९. णेव्वाणी (ह) ।

१०. °वाणी (ह) ।

११. दूसगणी (ह) । अतोप्रे प्रत्योः एका गाथा
लभ्यते—

तवनिग्रमसच्चसंजम, विणयज्जवखंतिमह्वरयाणं ।
सीलगुणगदियाणं, अणुओगजुगप्पहाणाणं ॥

चूणो वृत्ती च नास्ति व्याख्याता ।

१२. आभीरे (चू) ।

१. सा समासओ तिविहा पणत्ता, तं जहा—जाणिया, अजाणिया, दुब्बियड्ढा' ॥

नाण-पदं

२. नाणं पंचविहं पणत्तं, तं जहा—आभिणिबोहियनाणं सुयनाणं ओहिनाणं मणपज्जवनाणं केवलनाणं ॥

३. तं समासओ दुविहं पणत्तं, तं जहा—पच्चक्खं च परोक्खं च ॥

पच्चक्ख-पदं

४. से किं तं पच्चक्खं ? पच्चक्खं दुविहं पणत्तं, तं जहा—इंदियपच्चक्खं च^१ नोइंदियपच्चक्खं च ॥

५. से किं तं इंदियपच्चक्खं ? इंदियपच्चक्खं पंचविहं पणत्तं, तं जहा—सोइंदियपच्चक्खं चकिखदियपच्चक्खं घाण्णियपच्चक्खं जिन्भियदियपच्चक्खं^२ फासियदियपच्चक्खं । सेत्तं^३ इंदियपच्चक्खं ॥

६. से किं तं नोइंदियपच्चक्खं ? नोइंदियपच्चक्खं तिविहं पणत्तं, तं जहा—ओहिनाणपच्चक्खं मणपज्जवनाणपच्चक्खं केवलनाणपच्चक्खं ॥

ओहिनाण-पदं

७. से किं तं ओहिनाणपच्चक्खं ? ओहिनाणपच्चक्खं दुविहं पणत्तं, तं जहा—भवपच्चइयं च खओवसमियं च ।

'दुण्हं भवपच्चइयं', तं जहा—देवाण य, नेरइयाण य ।

'दुण्हं खओवसमियं', तं जहा—मणुस्साण य, पंचेदियतिरिक्खजोणियाण य ॥

८. को हेऊ खओवसमियं ? खओवसमियं—तयावरणिज्जाणं कम्माणं उदिण्णाणं खएणं, अणुदिण्णाणं उवसमेणं ओहिनाणं समुप्पज्जइ ।

अहवा— गुणपडिवणस्स अणगारस्स ओहिनाणं समुप्पज्जइ ॥

९. तं समासओ छव्विहं पणत्तं, तं जहा—आणुगामियं अणुगामियं वड्ढमाणयं हायमाणयं 'पडिवाइ अप्पडिवाइ'^४ ॥

१. अतः परं प्रत्योः अतिरिक्तः पाठो लभ्यते —

जाणिया जहा —

खीरमिव जहा हंसा, जे घुट्ठति इह गुरुगुणसमिद्धा ।

दोसे य विवज्जंती, तं जाणसु जाणियं परिसं ॥

अजाणिया जहा—

जा होइ पगइमहरा, मिय-छावय-सीहकुक्कुडयभूआ ।

रयणमिव असंठविया, अजाणिया सा भवे परिसा ॥

दुब्बियड्ढा जहा—

न य कत्थइ निम्माओ, न य पुच्छइ परिभवस्स दोसेणं ।

वत्थि न्व वायपुण्णो, फुट्ठइ गामिल्लयवियड्ढो ॥

असौ पाठः चूणौ वृत्थोरपि च नास्ति व्याख्यातः ।

२. × (क, ख) ।

३. रसणेदियं (ह) ।

४. से तं (क, ख) सर्वत्र ।

५. से किं तं भवपच्चइयं ? भवपच्चइयं दुण्हं (क, ख) ।

६. से किं तं खओवसमियं ? खओवसमियं दुण्हं (क, ख) ।

७. पडिवाइयं अप्पडिवाइयं (क, ख) ।

१०. से कि तं आणुगामियं ओहिनाणं ? आणुगामियं ओहिनाणं दुविहं पणत्तं, तं जहा—
अंतगयं च मज्झगयं च ॥
११. से कि तं अंतगयं ? अंतगयं तिविहं पणत्तं, तं जहा—पुरओ अंतगयं, मग्गओ अंत-
गयं, पासओ अंतगयं ॥
१२. से कि तं पुरओ अंतगयं ? पुरओ अंतगयं—से जहानामए केइ पुरिसे उक्कं वा चुड-
लियं वा अलायं वा मणिं वा 'जोइं वा पईवं वा' पुरओ काउं पणोत्तेमाणे-पणो-
त्तेमाणे गच्छेज्जा । सेत्तं पुरओ अंतगयं ॥
१३. से कि तं मग्गओ अंतगयं ? मग्गओ अंतगयं—से जहानामए केइ पुरिसे उक्कं वा
चुडलियं वा अलायं वा मणिं वा जोइं वा पईवं वा मग्गओ काउं अणुकड्ढेमाणे
-अणुकड्ढेमाणे गच्छेज्जा । सेत्तं मग्गओ अंतगयं ॥
१४. से कि तं पासओ अंतगयं ? पासओ अंतगयं—से जहानामए केइ पुरिसे उक्कं वा
चुडलियं वा अलायं वा मणिं वा जोइं वा पईवं वा पासओ काउं परिकड्ढेमाणे-
परिकड्ढेमाणे गच्छेज्जा । सेत्तं पासओ अंतगयं । सेत्तं अंतगयं ॥
१५. से कि तं मज्झगयं ? मज्झगयं - से जहानामए केइ पुरिसे उक्कं वा चुडलियं वा
अलायं वा मणिं वा जोइं वा पईवं वा मत्थए काउं गच्छेज्जा । सेत्तं मज्झगयं ॥
१६. अंतगयस्स मज्झगयस्स य को पइविसेसो ? पुरओ अंतगएणं ओहिनाणेणं पुरओ चेव
संखेज्जाणि वा असंखेज्जाणि वा जोयणाइं जाणइ पासइ । मग्गओ अंतगएणं ओहि-
नाणेणं मग्गओ चेव संखेज्जाणि वा असंखेज्जाणि वा जोयणाइं जाणइ पासइ ।
पासओ अंतगएणं ओहिनाणेणं पासओ चेव संखेज्जाणि वा असंखेज्जाणि वा
जोयणाइं जाणइ पासइ ।
मज्झगएणं ओहिनाणेणं सव्वओ समता संखेज्जाणि वा असंखेज्जाणि वा जोयणाइं
जाणइ पासइ । सेत्तं आणुगामियं ओहिनाणं ॥
१७. से कि तं अणुगामियं ओहिनाणं ? अणुगामियं ओहिनाणं—से जहानामए केइ
पुरिसे एगं महंतं जोइट्ठाणं काउं तस्मेव जोइट्ठाणस्स परिपेरंतेहि-परिपेरंतेहि
परिघोलेमाणे-परिघोलेमाणे तमेव जोइट्ठाणं पासइ, अणत्थ गए न पासइ । एवमेव
अणुगामियं ओहिनाणं जत्थेव समुप्पज्जइ तत्थेव संखेज्जाणि वा असंखेज्जाणि वा
संबद्धाणि वा असंबद्धाणि वा जोयणाइं जाणइ पासइ, अणत्थ गए न पासइ । सेत्तं
अणुगामियं ओहिनाणं ॥

१. चुडलियं (क, ख); अत्रार्थसमीक्षापूर्वकमस्मा-
भिश्चूणि वृत्ति सम्मतः पाठः स्वीकृतः ।

२. पईवं वा जोइं वा (क, ख) सर्वत्र ।

३. काउं समुव्वहमाणे-समुव्वहमाणे (क, ख) ।

४. एवामेव (ख) ।

१८. से कि तं वड्ढमाणयं ओहिनाणं ? वड्ढमाणयं ओहिनाणं— पसत्थेसु अज्झवसाणट्ठा-
णेसु वट्टमाणस्स वट्टमाणचरित्तस्स', विसुज्झमाणस्स विसुज्झमाणचरित्तस्स, सब्बओ
समंता ओही वड्ढइ' ॥

जावइआ तिसमयाहारगस्स सुहुमस्स पणगजीवस्स ।
ओगाहणा जहण्णा, ओहीखेत्तं जहण्णं तु ॥१॥
सब्बवहु अगणिजीवा, निरंतरं जत्तियं भरिज्जंसु ।
खेत्तं सब्बदिसागं, परमोही खेत्त-निद्विट्ठो ॥२॥
अंगुलमावलियाणं, भागमसंखेज्ज दोसु संखेज्जा ।
अंगुलमावलियंतो, आवलिया अंगुल-पुहत्तं ॥३॥
हत्थम्मि सुहुत्तंतो, दिवसंतो गाउयम्मि बोद्धव्वो ।
जोयणदिवसपुहत्तं, पक्खंतो पण्णवीसाओ ॥४॥
भरहम्मि अद्धमासो, जंबुदीवम्मि साहिओ मासो ।
वासं च मणुयलोए, वासपुहत्तं च रयगम्मि ॥५॥
संखेज्जम्मि उ काले, दीवसमुद्दा वि हुंति संखेज्जा ।
कालम्मि असंखेज्जे, दीवसमुद्दा उ भइयव्वा ॥६॥
कान्ते चउण्ह वुड्ढी, कालो भइयव्वु खेत्तवुड्ढीए ।
वुड्ढीए दव्वपज्जव, भइयव्वा खेत्तकाला उ ॥७॥
सुहुमो य होइ कालो, तत्तो सुहुमयरयं हवइ खेत्तं ।
अंगुलसेढीमित्ते, ओसप्पिणिओ असंखेज्जा ॥८॥

सेत्तं वड्ढमाणयं ओहिनाणं ॥

१९. से कि तं हायमाणयं ओहिनाणं ? हायमाणयं ओहिनाणं अप्पसत्थेहि अज्झवसाण-
ट्ठाणेहि' वट्टमाणस्स वट्टमाणचरित्तस्स', संकिलिस्समाणस्स संकिलिस्समाणचरित्तस्स
सब्बओ समंता ओही परिहायइ । सेत्तं हायमाणयं ओहिनाणं ॥

२०. से कि तं पडिवाइ ओहिनाणं ? पडिवाइ ओहिनाणं—जण्णं जहण्णेणं अंगुलस्स
असंखेज्जयभागं' वा संखेज्जयभागं' वा, वालग्गं वा वालग्गपुहत्तं वा, लिक्खं वा
लिक्खपुहत्तं वा, जूयं वा जूयपुहत्तं वा, जवं वा जवपुहत्तं वा, अंगुलं वा अंगुल-
पुहत्तं वा, पायं वा पायपुहत्तं वा 'विहत्थि वा विहत्थिपुहत्तं' वा, रयणि वा रयणि-
पुहत्तं वा, कुच्छि वा कुच्छिपुहत्तं वा, 'घणुं वा घणुपुहत्तं' वा, गाउयं वा गाउय-
पुहत्तं वा, जोयणं वा जोयणपुहत्तं वा, जोयणसयं वा जोयणसयपुहत्तं वा, जोयण-

१. वड्ढमाणं (ख) ।

२. परिवड्ढइ (ह, म) ।

३. अज्झवसायं (ख) ।

४. वड्ढमाणं (क, ख, म) ।

५. असंखेज्जतिं (ह) ।

६. संखेज्जतिं (ह) ।

७. विवत्थि वा विवत्थिं (पु) ।

८. घणुयं वा घणुयं (पु) ।

सहस्सं वा जोयणसहस्सपुहत्तं वा, 'जोयणलक्खं वा जोयणलक्खपुहत्तं' वा जोयण-
कोडि वा जोयणकोडिपुहत्तं वा, जोयणकोडाकोडि वा जोयणकोडाकोडिपुहत्तं वा,
उक्कोसेणं लोणं वा—पासित्ताणं पडिवएज्जा । सेत्तं पडिवाइ ओहिनाणं । ।

२१. से किं तं अपडिवाइ ओहिनाणं ? अपडिवाइ ओहिनाणं—जेणं अलोगस्स एगमवि
आभासपएसं पासेज्जा,^१ तेण परं अपडिवाइ ओहिनाणं । सेत्तं अपडिवाइ
ओहिनाणं । ।

२२. तं समासओ चउव्विहं पण्णत्तं, तं जहा—दव्वओ, खेत्तओ, कालओ, भावओ ।
तत्थ दव्वओ णं ओहिनाणी जहण्णेणं अणंताइं रूविदव्वाइं जाणइ पासइ ।
उक्कोसेणं सव्वाइं रूविदव्वाइं जाणइ पासइ ।

खेत्तओ णं ओहिनाणी जहण्णेणं अंगुलस्स असंखेज्जइभागं जाणइ पासइ । उक्कोसेणं
असंखेज्जाइं अलोगे^२ लोयमेत्ताइं^३ खंडाइं जाणइ पासइ ।

कालओ णं ओहिनाणी जहण्णेणं आवलियाए असंखेज्जइभागं जाणइ पासइ ।
उक्कोसेणं असंखेज्जाओ 'ओसप्पिणीओ उस्सप्पिणीओ'^४ अईयमणागयं च कालं
जाणइ पासइ ।

भावओ णं ओहिनाणी जहण्णेणं अणंते भावे जाणइ पासइ ।

उक्कोसेणं वि अणंते भावे जाणइ पासइ, सव्वभावाणमणंतभागं जाणइ पासइ ।

ओही भवपच्चइओ, गुणपच्चइओ य वण्णिओ एसो^५ ।

तस्स य बहू विगप्पा, दव्वे खेत्ते य काले य ॥१॥

नेरइयदेव-तित्थंकरा य, ओहिस्सवाहिरा^६ हुंति ।

पासंति सव्वओ खलु, सेसा देसेण पासति^७ ॥२॥

सेत्तं ओहिनाणं । ।

मणपज्जवनाण-पदं

२३. से किं तं मणपज्जवनाणं ? 'मणपज्जवनाणे णं भंते'^८ ! किं मणुस्साणं उप्पज्जइ ?
अमणुस्साणं ?

गोयमा ! मणुस्साणं, नो अमणुस्साणं ।

१. जोयणसतसहस्सं वा जोयणसतसहस्सपुहत्तं
(पु) ।

२. जाणइ पासइ (क, ख) ।

३. अलोगाइ (क) ।

४. लोयणमाणमेत्ताइं (क, ख); लोयप्पमाणाइं
(म) ।

५. उस्सप्पिणीओ अवसप्पिणीओ (क, ख) ।

६. दुविहो (क, ख, हपा, मपा) ।

७. ओहिस्स + अवाहिरा = ओहिस्सवाहिरा ।

८. × (वू); धवलायामपि (पट् खण्डागम,
पुस्तक १३, पृष्ठ २६५) एतत्तुल्यं भाषा
उद्धृतास्ति—

णेरइय-देव-तित्थयरोहिक्खेत्तस्स बाहिरं एदे ।
जाणंति सव्वदो खलु सेसा देसेण जाणंति ।

९. °नाणं भंते (क) ।

वक्कंतियमणुस्साणं ? अपमत्तसंजय-सम्मदिट्ठि-पज्जत्तग-संखेज्जवासाउय-कम्मभूमिय-गब्भवक्कंतियमणुस्साणं ?

गोयमा ! अपमत्तसंजय-सम्मदिट्ठि-पज्जत्तग-संखेज्जवासाउय-कम्मभूमिय-गब्भवक्कंतियमणुस्साणं, नो पमत्तसंजय-सम्मदिट्ठि-पज्जत्तग-संखेज्जवासाउय-कम्मभूमिय-गब्भवक्कंतियमणुस्साणं ।

जइ अपमत्तसंजय-सम्मदिट्ठि-पज्जत्तग-संखेज्जवासाउय-कम्मभूमिय-गब्भवक्कंतियमणुस्साणं—कि इड्ढिपत्त-अपमत्तसंजय-सम्मदिट्ठि-पज्जत्तग-संखेज्जवासाउय-कम्मभूमिय-गब्भवक्कंतियमणुस्साणं ? अणिड्ढिपत्त-अपमत्तसंजय-सम्मदिट्ठि-पज्जत्तग-संखेज्जवासाउय-कम्मभूमिय-गब्भवक्कंतियमणुस्साणं ?

गोयमा ! इड्ढिपत्त-अपमत्तसंजय-सम्मदिट्ठि-पज्जत्तग-संखेज्जवासाउय-कम्मभूमिय-गब्भवक्कंतियमणुस्साणं, नो अणिड्ढिपत्त-अपमत्तसंजय-सम्मदिट्ठि-पज्जत्तग-संखेज्जवासाउय-कम्मभूमिय-गब्भवक्कंतियमणुस्साणं मणपज्जवनानं समुप्पज्जइ ॥

२४. तं च दुविहं उप्पज्जइ, तं जहा—उज्जुमई य विउलमई य ॥

२५. तं समासओ चउव्विहं पणत्तं, तं जहा—दव्वओ, खेत्तओ, कालओ, भावओ ।

तत्थ दव्वओ णं उज्जुमई अणत्ते अणंतपएसिए खंधे जाणइ पासइ । ते चैव विउलमई अब्भहियतराए विउलतराए विसुद्धतराए^१ वितिमिरतराए जाणइ पासइ ।

खेत्तओ णं उज्जुमई अहे जाव इमीसे रयणप्पभाए पुढवीए 'उवरिमहेट्ठिल्ले खुड्ढागपयरे'^२, उड्ढं जाव जोइसस्स उवरिमतले, तिरियं जाव अंतोमणुस्सखेत्ते अड्ढाइज्जेसु दीवसमुद्देसु, 'पण्णरससु कम्मभूमीसु, तीसाए अकम्मभूमीसु, छप्पण्णए' अंतरदीवगेसु^३ सण्णोणं पंचेंदियाणं पज्जत्तयाणं मणोगए भावे जाणइ पासइ । तं चैव विउलमई अड्ढाइज्जेहिमंगुलेहि अब्भहियतरं^४ विउलतरं^५ विसुद्धतरं^६ वितिमिरतरं^७ खेत्तं जाणइ पासइ ।

कालओ णं उज्जुमई जहण्णेणं पलिओवमस्स असंखिज्जयभागं^८, उक्कोसेण वि पलिओवमस्स असंखिज्जयभागं^९ अतीयमणागयं वा कालं जाणइ पासइ । तं चैव विउलमई अब्भहियतराणं विउलतराणं विसुद्धतराणं वितिमिरतराणं जाणइ पासइ ।

भावओ णं उज्जुमई अणत्ते भावे जाणइ पासइ, सब्बभावाणं अणंतभागं जाणइ पासइ । तं चैव विउलमई अब्भहियतराणं विउलतराणं विसुद्धतराणं वितिमिरतराणं जाणइ पासइ ।

१. × (क) ।

५, ६, ७, ८. 'तराणं (पु) ।

२. 'हेट्ठिल्लाइं खुड्ढागपयराइं (चू, ह) ।

९. 'ज्जइभागं (चू, ह) ।

३. छप्पण्णए (म) ।

१०. 'ज्जइभागं (चू, ह) ।

४. × (चू, ह) ।

मणपज्जवनाणं पुण, जणमणपरिचितियत्थपागडणं ।
माणुसखेत्तनिबद्धं, गुणपच्चइयं चरित्तवओ ॥१॥
सेत्तं मणपज्जवनाणं ॥

केवलनाण-पदं

२६. से किं तं केवलनाणं ? केवलनाणं दुविहं पण्णत्तं, तं जहा—भवत्थकेवलनाणं च, सिद्धकेवलनाणं च ॥
२७. से किं तं भवत्थकेवलनाणं ? भवत्थकेवलनाणं दुविहं पण्णत्तं, तं जहा—सजोगि-भवत्थकेवलनाणं च अजोगिभवत्थकेवलनाणं च ॥
२८. से किं तं सजोगिभवत्थकेवलनाणं ? सजोगिभवत्थकेवलनाणं दुविहं पण्णत्तं, तं जहा—पढमसमयसजोगिभवत्थकेवलनाणं च अपढमसमयसजोगिभवत्थकेवलनाणं च ।
अह्वा-- चरमसमयसजोगिभवत्थकेवलनाणं^१ च अचरमसमयसजोगिभवत्थकेवलनाणं^२ च । सेत्तं सजोगिभवत्थकेवलनाणं ॥
२९. से किं तं अजोगिभवत्थकेवलनाणं ? अजोगिभवत्थकेवलनाणं दुविहं पण्णत्तं, तं जहा—पढमसमयअजोगिभवत्थकेवलनाणं च अपढमसमयअजोगिभवत्थकेवलनाणं च ।
अह्वा—चरमसमयअजोगिभवत्थकेवलनाणं च अचरमसमयअजोगिभवत्थकेवलनाणं च । सेत्तं अजोगिभवत्थकेवलनाणं ॥
३०. से किं तं सिद्धकेवलनाणं ? सिद्धकेवलनाणं दुविहं पण्णत्तं, तं जहा—अणंतरसिद्धकेवलनाणं च परंपरसिद्धकेवलनाणं च ॥
३१. से किं तं अणंतरसिद्धकेवलनाणं? अणंतरसिद्धकेवलनाणं पण्णत्तं, तं जहा—
१. तित्थसिद्धा २. अतित्थसिद्धा ३. तित्थयरसिद्धा ४. अतित्थयरसिद्धा ५. सयंबुद्धसिद्धा ६. पत्तेयबुद्धसिद्धा ७. बुद्धबोहियसिद्धा ८. इत्थिलिगसिद्धा ९. पुरिसलिगसिद्धा १०. नपुंसगलिगसिद्धा ११. सलिगसिद्धा १२. अण्णलिगसिद्धा १३. गिहिलिगसिद्धा १४. एगसिद्धा १५. अणेगसिद्धा । सेत्तं अणंतरसिद्धकेवलनाणं ॥
३२. से किं तं परंपरसिद्धकेवलनाणं ? परंपरसिद्धकेवलनाणं अणेगविहं पण्णत्तं, तं जहा—अपढमसमयसिद्धा, दुसमयसिद्धा, तिसमयसिद्धा, चउसमयसिद्धा जाव दससमयसिद्धा, संखेज्जसमयसिद्धा, असंखेज्जसमयसिद्धा, अणंतसमयसिद्धा । सेत्तं परंपरसिद्धकेवलनाणं । सेत्तं सिद्धकेवलनाणं ॥
३३. तं समासओ चउव्विहं पण्णत्तं, तं जहा—दव्वओ, खेत्तओ, कालओ, भावओ ।

१. चरिम० (चू) ।

२. अचरिम० (चू) ।

तत्थ दव्वओ णं केवलनाणी सव्वदव्वाइं जाणइ पासइ ।
 खेत्तओ णं केवलनाणी सव्वं खेत्तं जाणइ पासइ ।
 कालओ णं केवलनाणी सव्वं कालं जाणइ पासइ ।
 भावओ णं केवलनाणी सव्वे भावे जाणइ पासइ ।

अह सव्वदव्वपरिणाम-भाव-विण्णत्ति-कारणमणंतं ।

सासयमप्पडिवाई, एगविहं केवलं नाणं ॥१॥

केवलनाणेणत्थे, नाउं जे तत्थ पण्णवणजोगे ।

ते भासइ तित्थयरो, 'वइजोग तयं हवइ सेसं' ॥२॥

सेत्तं केवलनाणं । सेत्तं पच्चक्खं ॥

परोक्खनाण-पदं

३४. से किं तं परोक्खं ? परोक्खं दुविहं पण्णत्तं, तं जहा--आभिणिबोहियनाणपरोक्खं च सुयनाणपरोक्खं च ॥

३५. जत्थाभिणिबोहियनाणं, तत्थ सुयनाणं । जत्थ सुयनाणं, तत्थाभिणिबोहियनाणं ।
 दोवि एयाइं अण्णमण्णमण्णयाइं, तहवि पुण इत्थ आयरिया नाणत्तं पण्णवयंति--
 अभिनिबुज्झइ त्ति आभिणिबोहियं । सुणइ त्ति सुयं । मइपुव्वं सुयं, न मई सुय-
 पुव्विया ॥

३६. अविसेसिया मई--मई नाणं च, मई अण्णाणं च । विसेसिया--सम्मदिट्ठिस्स मई
 मइनाणं, मिच्छदिट्ठिस्स मई मइअण्णाणं ॥
 अविसेसियं सुयं--सुयनाणं च, सुयअण्णाणं च । विसेसियं--सम्मदिट्ठिस्स सुयं
 सुयनाणं, मिच्छदिट्ठिस्स सुयं सुयअण्णाणं ॥

आभिणिबोहियनाण-पदं

३७. से किं तं आभिणिबोहियनाणं ? आभिणिबोहियनाणं दुविहं पण्णत्तं, तं जहा -
 सुयनिस्सियं च असुयनिस्सियं च ॥

३८. से किं तं असुयनिस्सियं ? असुयनिस्सियं चउव्विहं पण्णत्तं, तं जहा--
 उप्पत्तिया वेणइया, कम्मया पारिणामिया ।
 बुद्धी चउव्विहा वुत्ता, पंचमा नोवलब्भई ॥१॥

उप्पत्तिया बुद्धि--

पुव्वमदिट्ठमसुयमवेइय-तक्खणविसुद्धगहियत्था ।

अव्वाहय-फलजोगा, बुद्धी उप्पत्तिया नाम ॥२॥

- | | |
|--|--------------------------------------|
| १. वइजोगसुयं (क, ख);
सयं हवइ तेसि
(मपा, हपा) । | ६. तत्थमतिनाणं (चू) । |
| २. पच्चक्खनाणं (क, ख) । | ७. बोहियं नाणं (क, ख) । |
| ३. परोक्खनाणं (क, ख) । | ८. पुव्वं जेण (क, ख); पुव्वयं (चू) । |
| ४. परोक्खनाणं (क, ख) । | ९. विसेसिया मई (क, ख, चू, ह) । |
| ५. जत्थमतिनाणं (चू) । | १०. एव अविसेसियं (क, ख) । |
| | ११. विसेसियं सुयं (चू, ह) । |

१ भरहसिल २ पणिया ३ रुक्खे, ४ खुड्डुग ५ पड ६ सरड ७ काय न. उच्चारे ।
६ गय १० घयण ११ गोल १२ खभे, १३ खुड्डुग १४-१५ मग्गि-त्थि १६ पड
१७ पुत्ते ॥३॥

(१ भरहसिल २ मिढ ३ कुक्कुड ४ तिल ५ वालुय ६ हत्थि ७ अगड ८ वणसंडे ।
९ पायस १० 'अइया ११ पत्ते' १२ खाडहिला १३ पंचपिअरो य ॥)

महुसित्थ-मुद्दि-अंके, य नाणए-भिक्षु-वेडगनिहाणे ।
सिक्खा य अत्थसत्थे, इच्छा य महं सयसहस्से ॥४॥

वेणइया बुद्धी—

भरनित्थरणसमत्था, तिवग्गसुत्तत्थगहियपेयाला ।
उभओलोगफलवई, विणयसमुत्था हवइ बुद्धी ॥५॥
निमित्ते अत्थसत्थे य, लेहे गणिए य क्व-अस्से य ।
गद्दभ-लक्खण-गंठी, अगए रहिए य गणिया य ॥६॥
सीया साडी दीहं, च तणं अवसव्वयं च कुंचस्स ।
निव्वोदए य गोणे, घोडगपडणं च रुक्खाओ ॥७॥

कम्मया बुद्धी—

उवओगदिट्ठुसारा, कम्मपसंगपरिघोलण-विसाला ।
साहुक्कारफलवई, कम्मसमुत्था हवइ बुद्धी ॥८॥
हेरणिए करिए, कोलिय डोए य मुत्ति-घय-पवए ।
तुण्णागं वड्ढइ पूइए य, घड-चित्तकारे य ॥९॥

परिणामिया बुद्धी—

अणुमाण हेज-दिट्ठंत-साहिया वयविवाग-परिणामा ।
हियनिस्सेयसफलवई, बुद्धी परिणामिया नाम ॥१०॥

१. परिण (क) ।

२. कोष्ठकान्तर्गता गाथा वस्तुतः पूर्ववर्तिगाथायाः
'भरहसिल' इति पदस्य व्याख्यारूपा वर्तते ।
मलयगिरिणा एतत् सूचितमपि, यथा—
'भरहसिलमेडे' त्यादिका च गाथा रोहक-
संविधानसूचिका, सा च प्रागुक्तकथानकानु-
सारेण स्वयमेव व्याख्याया (नंदीवृत्तिः पत्र
१५५) आवश्यकचूर्णौ 'भरहसिल' पदस्य
व्याख्यानंतरं कोष्ठकान्तर्गता गाथा व्याख्या-
तास्ति । तदनंतरं च तृतीयगाथायाः पणिया-
दीनि पदानि व्याख्यातानि सन्ति (आवश्यक-
चूर्णिः पृ० ५४४-४६) । आवश्यकमलय-
गिरीयवृत्तावपि इत्थमेव विद्यते, (आवश्यक-
मलयगिरिवृत्तिः पत्र ५१७-१९) तेनास्माभिः
'भरहसिल-मिढ' असौ गाथा मूले नादता ।

३. मलयगिरिणा 'तिल' पदस्य व्याख्या नास्ति
कृता । चूर्णिकारेण हरिभद्रसूरिणा च अस्या
गाथाया व्याख्यानार्थमावश्यकस्य व्याख्यायाः
समर्पणं कृतम्, यथा—एताओ सव्वाओ जधा
णमोक्कारे तधा दट्ठुवा (नंदीचूर्णिः पृ० २५)
तानि चावसरप्राप्तान्यपि गुरुनियोगान्न ब्रूमः,
किन्त्तावश्यके वक्ष्यामः (नंदी हरिभद्रीय वृत्तिः
पृ० ६१); आवश्यकचूर्णौ वृत्तौ च 'तिल'
पदं व्याख्यातमस्ति तेनास्माभिः तन्मूले
समादृतम् ।

४. पत्ते अइया (म) ।

५. डोवे (क, ख) ।

६. तुन्नाय (क) ।

७. 'णीसेसफल' (च, ह)

अभए सिद्धि-कुमारे, देवी उदिओदए' हवइ राया ।
 साहू य नंदिसेणे, धणदत्ते सावग-अमच्चे ॥११॥
 खमए' अमच्चपुत्ते, चाणक्के चैव थूलभद्दे य ।
 नासिवक-सुंदरीनंदे, वइरे परिणामिया बुद्धी ॥१२॥
 चलणाहण-आमंडे, मणी य सप्पे य खग्गि-थूभिंदे ।
 परिणामियबुद्धीए, एवमाई उदाहरणा ॥१३॥

सेत्त असुयनिस्सियं ॥

३६. से किं तं सुयनिस्सियं ? सुयनिस्सियं चउव्विहं पण्णत्तं, तं जहा—उग्गहे ईहा अवाओ धारणा ॥
४०. से किं तं उग्गहे ? उग्गहे दुव्विहे पण्णत्ते, तं जहा—अत्थुग्गहे य वंजणुग्गहे य ॥
४१. से किं तं वंजणुग्गहे ? वंजणुग्गहे चउव्विहे पण्णत्ते, तं जहा—सोइंदियवंजणुग्गहे, घाणिदियवंजणुग्गहे, जिब्भदियवंजणुग्गहे, फासिदियवंजणुग्गहे । सेत्तं वंजणुग्गहे ॥
४२. से किं तं अत्थुग्गहे ? अत्थुग्गहे छव्विहे पण्णत्ते, तं जहा—सोइंदियअत्थुग्गहे, चक्खिंदियअत्थुग्गहे, घाणिदियअत्थुग्गहे, जिब्भदियअत्थुग्गहे, फासिदियअत्थुग्गहे, नोइंदियअत्थुग्गहे ॥
४३. तस्स णं इमे एगट्ठिया नाणाघोसा नाणावंजणा पंच नामधिज्जा^१ भवन्ति, तं जहा—
 १. ओगेण्हणया २. उवघारणया^२ ३. सवणया ४. अवलंबणया ५. मेहा । सेत्तं उग्गहे ॥
४४. से किं तं ईहा ? ईहा छव्विहा पण्णत्ता, तं जहा—सोइंदियईहा, चक्खिदियईहा, घाणिदियईहा, जिब्भदियईहा, फासिदियईहा, नोइंदियईहा ॥
४५. तीसे णं इमे एगट्ठिया नाणाघोसा नाणावंजणा पंच नामधिज्जा^३ भवन्ति, तं जहा -
 १. आभोगणया २. मग्गणया ३. गवेसणया ४. चिंता ५. वीमंसा । सेत्तं ईहा ॥
४६. से किं तं अवाए ? अवाए छव्विहे पण्णत्ते, तं जहा—सोइंदियअवाए, चक्खिदिय-
 अवाए, घाणिदियअवाए, जिब्भदियअवाए, फासिदियअवाए, नोइंदियअवाए ॥
४७. तस्स णं इमे एगट्ठिया नाणाघोसा नाणावंजणा पंच नामधिज्जा^४ भवन्ति, तं जहा—
 १. 'आवट्टणया २. पच्चावट्टणया'^५ ३. अवाए ४. बुद्धी ५. विण्णाणे । सेत्तं अवाए ॥

१. उदिएदए (क) ।

२. खवए (क) ।

३,४. 'यं मतिनाणं (म) ।

५. नामधेया (चू, ह) ।

६. अवघारणया (क, ख) ।

७,८. नामधेया (चू, ह) ।

९. आवट्टणया पच्चावट्टणया (क, ख, चू) ।

४८. से कि तं धारणा ? धारणा छविहा पग्गता, तं जहा —सोइदियधारणा, चक्खि-
दियधारणा, घाणिदियधारणा, जिब्भियधारणा, फासिदियधारणा, नोइदिय-
धारणा ॥
४९. तीसे णं इमे एगट्ठिया नाणाघोसा नाणावंजणा पंच नामधिज्जा^१ भवन्ति, तं जहा —
१. धरणा २. धारणा ३. ठवणा ४. पइट्ठा ५. कोट्टे । सेत्तं धारणा ॥
५०. 'उग्गहे इक्कसामइए, अंतोमुहुत्तिया ईहा, अंतोमुहुत्तिए अवाए, धारणा संखेज्जं वा
कालं असंखेज्जं वा कालं'^२ ॥
५१. एवं^३ अट्ठावीसइविहस्स आभिणिबोहियनाणस्स वंजणुग्गहस्स परूवणं करिस्सामि —
पडिबोहगदिट्ठतेण, मल्लगदिट्ठतेण य ॥
५२. से कि तं पडिबोहगदिट्ठतेणं ? पडिबोहगदिट्ठतेणं—से जहानामए केइ पुरिसे कच्चि
पुरिसं सुत्तं पडिबोहेज्जा^४ —अमुगा! अमुग ! त्ति । तत्थ चोयगे पण्णवणं एवं वयासी
—किं एगसमयपविट्ठा पुग्गला गहणमागच्छंति ? दुसमयपविट्ठा पुग्गला गहणमा-
गच्छंति ? जाव दससमयपविट्ठा पुग्गला गहणमागच्छंति ? संखेज्जसमयपविट्ठा
पुग्गला गहणमागच्छंति ? असंखेज्जसमयपविट्ठा पुग्गला गहणमागच्छंति ? एवं
वदंतं चोयगं पण्णवए एवं वयासी—नो एगसमयपविट्ठा पुग्गला गहणमागच्छंति, नो
दुसमयपविट्ठा पुग्गला गहणमागच्छंति जाव नो दससमयपविट्ठा पुग्गला गहणमा-
गच्छंति, नो संखेज्जसमयपविट्ठा पुग्गला गहणमागच्छंति, असंखेज्जसमयपविट्ठा
पुग्गला गहणमागच्छंति । सेत्तं पडिबोहगदिट्ठतेणं ॥
५३. से कि तं मल्लगदिट्ठतेणं ? मल्लगदिट्ठतेणं—से जहानामए केइ पुरिसे आवागसीसाओ
मल्लगं गहाय तत्थेगं उदगविदुं पक्खिविज्जा से नट्टे, अप्णे^५ पक्खित्ते से वि नट्टे ।
एवं पक्खिप्पमाणेसु-पक्खिप्पमाणेसु होही से उदगविदुं 'जेणं^६ तं मल्लगं रावेहिति,^७
होही से उदगविदुं जे णं तंसि मल्लगंसि ठाहिति, होही से उदगविदुं जे णं तं मल्लगं
भरेहिति, होही से उदगविदुं जे णं तं मल्लगं पवाहेहिति । एवाभेव पक्खिप्पमाणेहि-
पक्खिप्पमाणेहि अणतेहि पुग्गतेहि जाहे तं वंजणं पूरियं होइ, ताहे 'हुं' ति करेइ,
नो चेव णं जाणइ के वेस सदाइ ? तओ ईहं पविसइ, तओ जाणइ अमुगे एस
सदाइ । तओ अवायं पविसइ, तओ से उवगयं^८ हवइ । तओ णं धारणं पविसइ,
तओ णं धारेइ संखेज्जं वा कालं, असंखेज्जं वा कालं ।

१. नामधेया (च्च) ।

२. × (च्च) ।

३. इच्चेतस्स (च्च) ।

४. पडिबोघएज्जा (ह) ।

५. अप्णे वि (क) ।

६. 'जण्णं' अस्मिन् सूत्रे सर्वत्र (ह) ।

७. रावेहिति (क, ख); 'त्ति' शब्दस्य सर्वत्र
द्वित्वम् । रावेहिइ इति (म) ।

८. सद्दे (क, ख) ।

९. अव^० (क, ख) ।

से जहानामए केइ पुरिसे अव्वत्तं सद्दं सुणिज्जा, तेणं 'सद्दे त्ति' उग्गहिए, नो चैव णं जाणइ के वेस सद्दाइ^१ ? तओ ईहं पविसइ, तओ जाणइ अमुगे एस सद्दे । तओ णं अवायं पविसइ, तओ से उवगयं हवइ । तओ धारणं पविसइ,^२ तओ णं धारेइ संखेज्जं वा कालं, असंखेज्जं वा कालं ।

से^३ जहानामए केइ पुरिसे अव्वत्तं रूवं पासिज्जा, तेणं रूवे त्ति उग्गहिए, नो चैव णं जाणइ के वेस रूवे त्ति ? तओ ईहं पविसइ, तओ जाणइ अमुगे एस रूवे^४ । तओ अवायं पविसइ, तओ से उवगयं हवइ । तओ धारणं पविसइ, तओ णं धारेइ संखेज्जं वा कालं, असंखेज्जं वा कालं ।

से जहानामए केइ पुरिसे अव्वत्तं गंधं अग्घाइज्जा, तेणं गंधे त्ति उग्गहिए, नो चैव णं जाणइ के वेस गंधे त्ति ? तओ ईहं पविसइ, तओ जाणइ अमुगे एस गंधे । तओ अवायं पविसइ, तओ से उवगयं हवइ । तओ धारणं पविसइ, तओ णं धारेइ संखेज्जं वा कालं, असंखेज्जं वा कालं ।

से जहानामए केइ पुरिसे अव्वत्तं रसं आसाइज्जा, तेणं रसे त्ति उग्गहिए, नो चैव णं जाणइ के वेस रसे त्ति ? तओ ईहं पविसइ, तओ जाणइ अमुगे एस रसे । तओ अवायं पविसइ, तओ से उवगयं हवइ । तओ धारणं पविसइ, तओ णं धारेइ संखेज्जं वा कालं, असंखेज्जं वा कालं ।

से जहानामए केइ पुरिसे अव्वत्तं फासं पडिसवेइज्जा, तेणं फासे त्ति उग्गहिए, नो चैव णं जाणइ के वेस फासे त्ति ? तओ ईहं पविसइ, तओ जाणइ अमुगे एस फासे । तओ अवायं पविसइ, तओ से उवगयं हवइ । तओ धारणं पविसइ, तओ णं धारेइ संखेज्जं वा कालं, असंखेज्जं वा कालं ।

से जहानामए केइ पुरिसे अव्वत्तं सुमिणं पडिसवेदेइज्जा^५, तेणं सुमिणेत्ति^६ उग्गहिए, नो चैव णं जाणइ के वेस सुमिणे त्ति ? तओ ईहं पविसइ, तओ जाणइ अमुगे एस सुमिणे । तओ अवायं पविसइ, तओ से उवगयं हवइ । तओ धारणं पविसइ, तओ णं धारेइ संखेज्जं वा कालं, असंखेज्जं वा कालं । सेत्तं मल्लगदिट्ठतेणं ॥

५४ तं समासओ चउव्विहं पणत्तं, तं जहा—दव्वओ, खेत्तओ, कालओ, भावओ । तत्थ दव्वओ णं आभिणिबोहियनाणी आएसेणं सव्वदव्वाइं जाणइ, न पासइ । खेत्तओ णं आभिणिबोहियनाणी आएसेणं सव्वं खेत्तं जाणइ, न पासइ । कालओ णं आभिणिबोहियनाणी आएसेणं सव्वं कालं जाणइ, न पासइ । भावओ णं आभिणिबोहियनाणी आएसेणं सव्वे भावे जाणइ, न पासइ ।

१. सद्दे त्ति (क, ख) ।

२. सद्देत्ति (च) ।

३. अणुपविसति (च) ।

४. अतः स्पर्शालापकपर्यन्तं चूणौ हारिभद्रीयवृत्ती

च संक्षिप्तपाठो दृश्यते—एवं अव्वत्तं रूवं अव्वत्तं

गंधं अव्वत्तं रसं अव्वत्तं फासं पडिसवेदेइज्जा ।

५. रूवेत्ति (क, ख)

६. पासिज्जा (क, ख) ।

७. सुमिणेत्ति (म) ।

उग्गह ईहावाओ^१, य धारणा एव हुंति चत्तारि ।
 आभिणिबोहियनाणस्स भेयवत्थू समासेण ॥१॥
 अत्थाणं उग्गहणं, च उग्गह तह वियालणं ईहं ।
 ववसायं च अवायं^२, धरणं पुण धारणं बिति ॥२॥
 उग्गह इक्कं समयं, ईहावाया मुहुत्तमदं^३ तु ।
 कालमसखं संखं, च धारणा होइ नायव्वा ॥३॥
 पुट्ठं सुणेइ सद्दं, ख्वं पुण पासइ अपुट्ठं तु ।
 गवं रसं च फासं च, बद्धपुट्ठं वियागरे ॥४॥
 भासासमसेढीओ, सद्दं जं सुणइ मीसयं^४ सुणइ ।
 वीसेढी पुण सद्दं, सुणइ नियमा पराघाए ॥५॥
 ईहा अपोह वीमंसा, मग्गणा य गवेसणा ।
 सण्णा सई मई पण्णा, सव्वं आभिणिबोहियं ॥६॥

‘सेत्तं आभिणिबोहियनाणपरोक्खं’ ॥

सुयनाण-पदं

५५. से किं तं सुयनाणपरोक्खं ? सुयनाणपरोक्खं चोद्दसविहं पण्णत्तं, तं जहा—१. अक्ख-
 रसुयं २. अणक्खरसुयं ३. सण्णिसुयं ४. असण्णिसुयं ५. सम्मसुयं ६. मिच्छसुयं
 ७. साइयं ८. अणाइयं ९. सपज्जवसियं १०. अपज्जवसियं ११. गमियं १२. अग-
 मियं १३. अंगपविट्ठं १४. अणंगपविट्ठं ॥

५६. से किं तं अक्खरसुयं ? अक्खरसुयं तिविहं पण्णत्तं, तं जहा—१. सण्णक्खरं २. वंज-
 णक्खरं ३. लद्धिअक्खरं ॥

५७. से किं तं सण्णक्खरं ? सण्णक्खरं—अक्खरस्स संठाणागिई । सेत्तं सण्णक्खरं ॥

५८. से किं तं वंजणक्खरं ? वंजणक्खरं—अक्खरस्स वंजणाभिलावो । सेत्तं वंजणक्खरं ॥

५९. से किं तं लद्धिअक्खरं ? लद्धिअक्खरं—अक्खरलद्धियस्स लद्धिअक्खरं^५ समुप्पज्जइ, तं
 जहा—सोइदियलद्धिअक्खरं, चक्खिदियलद्धिअक्खरं, घाणिदियलद्धिअक्खरं, रसणि-
 दियलद्धिअक्खरं, फासिदियलद्धिअक्खरं, नोइदियलद्धिअक्खरं । सेत्तं लद्धिअक्खरं ।
 सेत्तं अक्खरसुयं ॥

६०. से किं तं अणक्खरसुयं ? अणक्खरसुयं अणेगविहं पण्णत्तं, तं जहा—

१. ईहवाओ (क, ख) ।

२. अत्थाणं उग्गहणमि, उग्गहो तह वियालणे
 ईहा । ववसायमि अवाओ (क, ख, हपा,
 मपा) ।

३. मुहुत्तमंतं (हपा, मपा) ।

४. मीसियं (क, ख) ।

५. नाणं परोक्खं से तं मइनाणं (क, ख); से
 तं मइनाणं (चू) ।

६. लद्धिक्खरं (ख) ।

७. लद्धिक्खरं (ख) ।

ऊत्ससियं नीससियं, निच्छूहं खासियं च छीयं च ।
निस्सिधियमणुसारं, अणक्खरं छेलियाईयं ॥१॥

सेत्तां अणक्खरसुयं ॥

६१. से किं तं सण्णिसुयं ? सण्णिसुयं तिविहं पण्णत्तां, तं जहा—कालिओवएसेणं हेऊवए-
सेणं दिट्ठिवाओवएसेणं ॥
६२. से किं तं कालिओवएसेणं ? कालिओवएसेणं—जस्स णं अत्थि ईहा, अपोहो, मग्गणा,
ग्गेसणा, चित्ता, वीमंसा—से णं सण्णीति लब्भइ । जस्स णं नत्थि ईहा, अपोहो,
मग्गणा, ग्वेसणा, चित्ता, वीमंसा—से णं असण्णीति^१ लब्भइ । सेत्तां कालिओव-
एसेणं ॥
६३. से किं तं हेऊवएसेणं ? हेऊवएसेणं—जस्स णं अत्थि अभिसंधारणपुव्विया करण-
सत्ती—से णं सण्णीति लब्भइ । जस्स णं नत्थि अभिसंधारणपुव्विया करणसत्ती—
से णं असण्णीति लब्भइ । सेत्तां हेऊवएसेणं ॥
६४. से किं तं दिट्ठिवाओवएसेणं ? दिट्ठिवाओवएसेणं—सण्णिसुयस्स खओवसमेणं सण्णी
(ति ?) लब्भइ, असण्णिसुयस्स खओवसमेणं असण्णी (ति ?) लब्भइ । सेत्तां
दिट्ठिवाओवएसेणं । सेत्तां सण्णिसुयं । सेत्तां असण्णिसुयं ॥
६५. से किं तं सम्मसुयं ? सम्मसुयं जं इमं अरहंतेहि भगवतेहि उप्पण्णनाणदंसणधरेहि
तेलोककचहियं^१—महियं—पूइएहिं तीयं—पडुप्पणमणागयजाणएहिं सव्वण्णूहिं सव्वदरि-
सीहिं पणीयं दुवालसंगं गणिपिडगं, तं जहा—आयारो सूयगडो ठाणं समवाओ
वियाहपण्णत्ती^४ नायाधम्मकहाओ उवासगदसाओ अंतगडदसाओ अणुत्तरोववाइय-
दसाओ पण्हावागरणाइं विवागसुयं दिट्ठिवाओ^५ ॥
६६. इच्चेयं दुवालसंगं गणिपिडगं चोद्दसपुव्विस्स सम्मसुयं, अभिण्णदसपुव्विस्स सम्मसुयं,
तेण परं भिण्णेषु भयणा । सेत्तां सम्मसुयं ॥
६७. से किं तं मिच्छसुयं ? मिच्छसुयं—जं इमं अण्णाणिएहिं मिच्छदिट्ठिहिं^६ सच्छंदवुद्धि-

१. निस्सिधियं (क, ख) पिस्ससिधियं (ह) ।

२. असण्णी (क, ख) ।

३. तेलुककनिरिक्खियं (क, ख, ह, म); तम्दी-
चूणो 'तेलुककचहियं' इति पाठो विद्यते । तत्र
तस्य पर्यायवाचिनः शब्दा निर्दिष्टाः सन्ति—
चहितं—चहितं प्रेक्षितं निरीक्षितं दृष्ट-
मित्यनर्थान्तरम् । चूणो 'चहियं' शब्दस्य

'निरीक्षितं' पर्यायवाचीशब्दो निर्दिष्टः, स एव
संभवतः सारल्यदृष्ट्या मूले स्थानं प्राप्तः ।
अनुयोगद्वारसूत्रे (५०, ५४६) पि 'तेलुकक-
चहियं' इतिपाठो लभ्यते ।

४. विवाहं (क, ख) ।

५. दिट्ठिवाओ अ (क, ख) ।

६. मिच्छादिट्ठिएहिं (क, ख) ।

मइ-विगप्पियं, तं जहा—१ भारहं २ रामायणं ३, ४ हंभीमासुरुत्तं^१ ५. कोडिल्लयं
६ सगभद्धियाओ ७ घोडमुहं^२ ८ कप्पासियं ९ नागसुहुमं^३ १० कणगसत्तरी ११ वइ-
सेसियं १२ बुद्धवयणं १३ वेसियं^४ १४ काविलं^५ १५ लोगाययं १६ सट्ठितंतं
१७ माढरं १८ पुराणं १९ वागरणं^६ २० नाडगादिं^७ ।

अहवा—बावत्तरिकलाओ चत्तारि य वेया संगोवंगा । 'एयाइं मिच्छदिट्ठिस्स
मिच्छत्त-परिग्गहियाइं मिच्छसुयं । एयाइं चैव सम्मदिट्ठिस्स सम्मत्त-परिग्गहियाइं
सम्मसुयं'^८ ।

१. यद्यपि अस्माभिः पाठशोधार्थं प्रयुक्तासु प्रतिषु
'हंभीमासुरुत्तं' पाठो नोपलभ्यते, तथापि अनु-
योगद्वारस्य (४९) आधारेण असावेव पाठः
समीचीनः प्रतिभाति । अन्येषु अप्रयुक्ता-
दर्शेष्वपि 'हंभीमासुरुत्तं' इति पाठ एव
लभ्यते । व्यवहारभाष्ये (भाग ३ पत्र १३२)
'भंभीयमासुरक्खे' इति पाठो विद्यते । मलय-
गिरिणा अस्य व्याख्या 'भंभ्यां आसुवृक्षे' इत्यं
कृतास्ति । अस्या आधारेण ग्रन्थद्वयस्य अनु-
मानं जायते—एको ग्रन्थः भंभीनामा द्विती-
यश्च आसुवृक्षनामा । मूलाचारेणापि एतत्
स्पष्टं भवति । तत्र 'हंभी' शब्दस्य उल्लेखो
नास्ति, किन्तु 'आसुरक्ख' शब्दः स्वतंत्ररूपेण
गृहीतोस्ति—

कोडिल्ल मासुरक्खा, भारहरामायणादि जे घम्मा ।
होज्ज व तेसु विसुत्ती, लोइयमूढो हवदि एसो ॥
(५।६०, पृ० २१७) ।

गोम्मटसारेणापि उक्तानुमानस्य पुष्टिर्जायते ।
तत्र आभीत-आसुरक्षनाम्नोद्भवोद्भवयोर्ग्रन्थयोर्ल्लेखो
लभ्यते—

आभीयमासुरक्खं, भारहरामायणादि उवएसो ।
तुच्छा असाहणीया, सुय अण्णणं ति णं वेत्ति ॥
(जीवकाण्ड ३०३) ।

ललितविस्तरे (परि० १२, ३३ पद्यानन्तरं
पत्र १०८) आम्भिन्नर्थ-आसुर्यनाम्नोरुभयो
ग्रन्थयोः समुल्लेखः समस्ति ।

उपरितन पड्डित्तु ससुद्धतेषु ग्रन्थेषु सर्वत्र नाम

साम्यं नास्ति, तथापि तैरिति स्पष्टं जायते
'हंभीमासुरुत्तं' पाठे सूत्रकारेण ग्रन्थद्वय
निक्षिप्तमस्ति ।

नैतयोर्ग्रन्थयोः कश्चिद् परिचयः इदानीमुप-
लब्धोस्ति, तथापि इत्यनुमानं कर्तुमवका-
शोस्ति—'आसुरक्खं, आसुरुक्खं' पाठयोर्ल्लेखः
श्रुतानुश्रुतपरंपरया कृतोस्ति, न तु ग्रन्थस्य
साक्षात् परिचयं प्राप्य । अतएव तेषु ग्रन्थेषु
नाम्नः संवादकत्वं नास्ति । समालोच्य
ग्रन्थस्य साक्षात् परिचयाभावे निश्चयपूर्वकं
न किञ्चित् कथयितुं शक्यम् । यदि समा-
लोच्यग्रन्थः असुरेण उक्तः अथवा असुरसंबंधी
स्यात् तदा 'आसुरुत्तं' (आसुरोक्त) इति
पाठस्य स्वीकारः समीचीनो भवेत् ।

२. खोडमुहं (क, ख) ।

३. नामसुहुमं (पु) ।

४. तेसियं (क, ख) ।

५. कविलं (पु) ।

६. अतः परं प्रत्योः एतानि अतिरिक्तानि पदानि
दृश्यन्ते—'भागवयं पायंजली पुस्सदेवयं लेहं
गणियं सउणहयं' चूणौ वृत्त्योश्च नैतानि
व्याख्यातानि सन्ति, अनुयोगद्वारे (४९) पि
नैतानि दृश्यन्ते ।

७. नाडइयाइं (क, ख) ।

८. इच्चेताइं सम्मदिट्ठिस्स सम्मत्तपरिग्गहियाइं
सम्मसुयं । इच्चेताइं मिच्छदिट्ठिस्स मिच्छत्त-
परिग्गहियाइं मिच्छसुत्तं (चू) ।

अहवा—मिच्छदिद्विस्स वि एयाइं चेव सम्मसुयं । कम्हा ? सम्मत्तहेउत्तणओ' । जम्हा ते मिच्छदिद्वियां तेहि चेव समएहिं' चोइया समाणा केइ सपक्खदिद्वीओ चयतिं । सेत्तां मिच्छसुयं ॥

६८. से कि तं साइयं सपज्जवसियं, अणाइयं अपज्जवसियं च ? इच्चेयं दुवालसंगं गणिपिडगं—वुच्चित्तिनयट्टयाए साइयं सपज्जवसियं, अवुच्चित्तिनयट्टयाए अणाइयं अपज्जवसियं ॥

६९. तं समासओ चउव्विहं पण्णत्तां, तं जहा—इव्वओ, खेत्तओ, कालओ, भावओ । तत्थ इव्वओ णं सम्मसुयं एगं पुरिसं पडुच्च साइयं सपज्जवसियं, बहवे पुरिसे य पडुच्च अणाइयं अपज्जवसियं । खेत्तओ णं—पंचभरहाइं पंचएरवयाइं पडुच्च साइयं सपज्जवसियं, पंच महाविदेहाइं पडुच्च अणाइयं अपज्जवसियं । कालओ णं—ओसप्पिणि उस्सप्पिणि च पडुच्च साइयं सपज्जवसियं, नोओसप्पिणि नोउस्सप्पिणि च पडुच्च अणाइयं अपज्जवसियं । भावओ णं—जे जया जिणपण्णत्ता भावा आघविज्जंति पण्णविज्जंति परूविज्जंति दंसिज्जंति निदंसिज्जंति उवदंसिज्जंति, 'ते तथा' पडुच्च साइयं सपज्जवसियं, खाओवसमियं पुण भावं पडुच्च अणाइयं अपज्जवसियं ।

अहवा—भवसिद्वियस्स सुयं साइयं सपज्जवसियं, अभवसिद्वियस्स सुयं अणाइयं अपज्जवसियं ॥

७०. सव्वागासपएसग्गं सव्वागासपएसेहि अणंतगुणियं पज्जवग्गक्खरं निप्फज्जइ ॥

७१. सव्वजीवाणं पि य णं—अक्खरस्स अणंतभागो निच्चुघाडिओ, जइ पुण सो वि आवरिज्जा, तेणं जीवो अजीवत्तं पाविज्जा ।

सुट्ठुवि मेहसमुदए, होइ पभा चंदसूराणं ।

सेत्तां साइयं सपज्जवसियं । सेत्तां अणाइयं अपज्जवसियं ॥

७२. से कि तं गमियं ? (से कि तं अगमियं ?) गमियं दिद्विवाओ । अगमियं कालियं सुयं । सेत्तां गमियं । सेत्तां अगमियं ॥

७३. तं समासओ दुविहं पण्णत्तां, तं जहा—अंगपविट्ठं, अंगबाहिरं च ॥

१. परिणापयिसेसतो (चू) ।

२. मिच्छदिद्विणो (चू) ।

३. ससमएहिं (क, ख) ।

४. वमैति (चू, ह) ।

५. ते तथा भावे (क, ख); ते तथा (चू); ते तदा (चूपा) ।

६. पज्जवक्खरं (क, ख) ।

७. रघाडियओ (चू) ।

८. जीवा (क, ख) ।

९. अहवा तं (क, ख) । चूणौ वृत्त्योश्च 'तं'

पदस्य व्याख्यायां विकल्पद्वयं कृतम्, तत्र द्वितीयविकल्पार्थं अहवा (अथवा) पदस्य प्रयोगः कृतः । स एव उत्तरकाले न जाने कथं मूलपाठरूपतां प्राप्तः ।

१०. अंगपविट्ठं च (क, ख) ।

११. पञ्चपञ्चाशत्तमे सूत्रे 'अंगपविट्ठं अणंगपविट्ठं' इति भेदद्वयं विद्यते । अत्र प्रतिषु व्याख्याग्रन्थेषु च 'अणंगपविट्ठं' इत्यस्य स्थाने 'अंगबाहिरं' इति पदं लभ्यते । तथा निगमनेपि 'अणंगपविट्ठं' इति पदं लभ्यते ।

७४. से किं तं अंगवाहिरं ? अंगवाहिरं दुविहं पण्णत्तं, तं जहा—आवस्सयं च, आवस्सय-
वइरित्तं च ॥
७५. से किं तं आवस्सयं ? आवस्सयं छुव्विहं पण्णत्तं, तं जहा—सामाइयं, चउवीसत्थओ,
वंदणयं, पडिक्कमणं, काउस्सग्गो, पच्चक्खाणं । सेत्तं आवस्सयं ॥
७६. से किं तं आवस्सयवइरित्तं ? आवस्सयवइरित्तं दुविहं पण्णत्तं, तं जहा—कालियं
च, उक्कालियं च ॥
७७. से किं तं उक्कालियं ? उक्कालियं अणेगविहं पण्णत्तं, तं जहा—१ दसवेयालियं
२ कप्पियाकप्पियं ३ चुल्लकप्पसुयं ४ महाकप्पसुयं ५ ओवाइयं ६ रायपसेणि
(णइ) यं ७ जीवाभिगमो (जीवाजीवाभिगमे ?) ८ पण्णवणा ९ महापण्णवणा
१० पमायप्पमायं ११ नंदो १२ अणुओगदाराइं १३ देविदत्थओ १४ तंदुलवेयालियं
१५ चंदगविज्जभयं १६ सूरपण्णत्ती १७ पोरिसिमंडलं १८ मंडलपवेसो १९ विज्जा-
चरणविणिच्छओ २० गणिविज्जा २१ भाणविभत्ती २२ मरणविभत्ती २३ आयवि-
सोही २४ वीयरगसुयं २५ संलेहणासुयं २६ विहारकप्पो २७ चरणविही २८ आउ-
रपच्चक्खाणं २९ महापच्चक्खाणं । सेत्तं उक्कालियं ॥
७८. से किं तं कालियं ? कालियं अणेगविहं पण्णत्तं, तं जहा—१ उत्तरज्जभयणाइं
२ दसाओ ३ कप्पो ४ ववहारो ५ निसीहं ६ महानिसीहं ७ इसिभासियाइं ८ जंबु-
द्वीवपण्णत्ती ९ दीवसागरपण्णत्ती १० चंदपण्णत्ती ११ खुड्डियाविमाणपविभत्ती
१२ महत्तिलियाविमाणपविभत्ती १३ अंगचूलिया १४ वग्गचूलिया १५ वियाह-
चूलिया १६ अरुणोववाए १७ वरुणोववाए १८ गरुलोववाए १९ घरणोववाए
२० वेसमणोववाए २१ वेलंघरोववाए २२ देविदोववाए २३ उट्टाणसुयं २४ समु-
ट्टाणसुयं २५ नागपरियावणियाओ २६ निरयावलियाओ २७ कप्पवडंसियाओ
२८ पुप्फियाओ २९ पुप्फचूलियाओ ३० वप्पिहदसाओ ॥

१. काउस्सगं (ख) ।

२. जीवाजीवाभिगममूत्रस्य प्रारम्भवाक्ये 'थिरा
भगवंतो जीवाजीवाभिगमं णामज्जभयणं
पण्णवइंमु' इति पाठोस्ति इतिभद्रसूरि-मलय-
गिरिभ्यामपि स्व-स्ववृत्तौ एयमेव विवृत-
मस्ति एतदेव नाम उपयुक्तं प्रतीयते ।

३. चंदावेज्जभयं (पु) ।

४. क्खाणं एवमाइं (क, ख) ।

५. विवाहा (क, ख) ।

६. × (च, म) ।

७. देविदोववाए वेलंघरोववाए (च) ।

८. नागपरियावणियाओ (च) ।

९. निरयावलियाओ कप्पियाओ (क, ख); चूणो
एतन् पदं व्याख्यातं नास्ति । हरिभद्रसूरि-
मलयगिरिवृत्त्योरेतद् व्याख्यातमस्ति—कप्पि-
याउत्ति सौधर्मादिकल्पगतवक्तव्यतागोचरा
ग्रन्थपद्धतयः कल्पिका उच्यन्ते । उपाङ्गानां
पञ्चअंगेपि एतस्य उल्लेखो नास्ति—एवं
खलु जंबू ! समणेणं भगवया महवीरेणं
उवंमाणं पंच वग्गा पण्णत्ता, तं जहा—
(१) निरयावलियाओ (२) कप्पवडंसियाओ
(३) पुप्फियाओ (४) पुप्फचूलियाओ (५)
वप्पिहदसाओ (उ० १।५)

७६. एवमाइयाइं चउरासीइं पइण्णगसहस्साइं भगवओ अरहओ उसहसामिस्स^१ आइ-
तिथयरस्स । तहा संखिज्जाइं पइण्णगसहस्साइं मज्झिमगाणं जिणवराणं । चोहस
पइण्णगसहस्साणि भगवओ वद्धमाणसामिस्स ।

अहवा—जस्स जत्तिया सीसा उप्पत्तियाए, वेणइयाए, कम्मयाए^२, पारिणामियाए—
चउन्विहाए बुद्धीए उववेया, तस्स तत्तियाइं पइण्णगसहस्साइं । पत्तेयबुद्धावि
तत्तिया चेव । सेत्तां कालियं । सेत्तां आवस्सयवइरित्तां । सेत्तां अणंगपविट्ठं ॥

८०. से किं तं अंगपविट्ठं ? अंगपविट्ठं दुवालसविहं पण्णत्तां, तं जहा—आयारो,
सूयगडो, ठाणं, समवाओ, विवाहपण्णत्ती^३, नायाधम्मकहाओ, उवासगदसाओ,
अंतगडदसाओ, अणुत्तरोववाइयदसाओ, पण्हावागरणाइं, विवागसुयं, दिट्ठिवाओ ॥

दुवालसंग-विवरण-पदं

८१. से किं तं आयारे ? आयारे णं समणाणं निग्गंथाणं आधार-गोयर-विणय-वेणइय-
सिक्खा-भासा-अभासा-चरण-करण-जाया-माया-वित्तोओ आघविज्जंति । से समा-
सओ पंचविहे पण्णत्ते, तं जहा—नाणायारे, दंसणायारे, चरित्तायारे, तवायारे,
वीरियायारे ।

आयार णं परित्ता वायणा, संखेज्जा अणुओगदारा, संखेज्जा वेढा, संखेज्जा
सिलोगा, 'संखेज्जाओ निज्जुत्तीओ, संखेज्जाओ पडिवत्तीओ'^४ ।

से णं अंगट्टयाए पढमे अंगे, दो सुयक्खंघा, षणवीसं अज्झयणा, पंचासीइं^५ उद्देसण-
काला, पंचासीइं समुद्देसणकाला, अट्टारसपयसहस्साणि पयग्गेणं, संखेज्जा अक्खरा,
अणंता गमा, अणंता पज्जवा, परित्ता तसा, अणंता थावरा, सासय-कड-निबद्ध-
निकाइया जिणपण्णत्ता भावा आघविज्जंति पण्णविज्जंति परूविज्जंति दंसिज्जंति
निदंसिज्जंति उवदंसिज्जंति ।

से 'एवं आया'^६, एवं नाया, एवं विण्णाया, एवं चरण-करण-परूवणा आघविज्जइ ।
सेत्तां आयारे ॥

८२. से किं तं सूयगडे ? सूयगडे णं लोए सूइज्जइ, अलोए सूइज्जइ, लोयालोए सूइज्जइ ।
जीवा सूइज्जंति, अजीवा सूइज्जंति, जीवाजीवा सूइज्जंति । ससमए सूइज्जइ,
परसमए सूइज्जइ, ससमय-परसमए सूइज्जइ ।

सूयगडे णं आसीयस्स^७ किरियावाइ-सयस्स, चउरासीइए अकिरियावाईणं, सत्तट्ठीए
अण्णाणियवाईणं, बत्तीसाए वेणइयवाईणं—तिण्हं तेसट्ठाणं पावाडुय^८-सयाणं वूहं
किञ्चा ससमए ठाविज्जइ ।

१. उसहस्स (उ); सिरिउसहस्स (ह); सिरि-
उसहं (म) ।

२. कम्मियाए (क, ख) ।

३. विवाहं (क, ख) ।

४. संखेज्जाओ पडिवत्तीओ संखेज्जाओ
निज्जुत्तीओ (उ) ।

५. पंचासीती (पु) ।

६. चूणों एव पाठो व्याख्यातो नास्ति । समवा-
यांगसूत्रेषि अभयदेवसूरिणा नैष पाठो लब्धः ।
समवायांगवृत्ती सूचितमिदम्— इदं च सूत्रं
पुस्तकेषु न दृष्टं, नन्धां तु दृश्यते इतीह
व्याख्यातमिति ।

७. असीयस्स (क, ख) ।

८. पासंडिय (क, ख, म) ।

सूयगडे^१ णं परित्ता वायणा, संखेज्जा अणुओगदारा, संखेज्जा वेढा, संखेज्जा सिलोगा, संखेज्जाओ निज्जुत्तीओ, संखेज्जाओ पडिवत्तीओ ।

से णं अंगट्टयाए बिइए^२ अंगे, दो सुयक्खंघा, तेवीसं अज्भयणा, तेत्तीसं उद्देसणकाला, तेत्तीसं समुद्देसणकाला, छत्तीसं पयसहस्साणि पयग्गेणं, संखेज्जा अक्खरा, अणंता गमा, अणंता पज्जवा, परित्ता तसा, अणंता थावरा, सासय-कड-निबद्ध-निकाइया जिणपण्णत्ता भावा आघविज्जंति पण्णविज्जंति परूविज्जंति दंसिज्जंति निदंसिज्जंति उवदंसिज्जंति ।

से एवं आया, एवं नाया, एवं विण्णाया, एवं चरण-करण-परूवणा आघविज्जइ । सेत्तं सूयगडे ॥

८३. से किं तं ठाणे ? ठाणे णं जीवा ठाविज्जंति, अजीवा ठाविज्जंति, जीवाजीवा ठाविज्जंति । 'ससमए ठाविज्जइ, परसमए ठाविज्जइ, ससमय-परसमए ठाविज्जइ । लोए ठाविज्जइ, अलोए ठाविज्जइ, लोयालोए ठाविज्जइ'^३ ।

ठाणे णं टंका, कूडा, सेला, सिहरिणी, पम्भारा, कुंडाई, गुहाओ, आगरा, दहा, नईओ आघविज्जति ।

ठाणे णं एगाइयाए एगुत्तरियाए वुड्ढीए दसट्ठाणम-विवड्ढियाणं भावाणं परूवणा आघविज्जइ ।

ठाणे^४ णं परित्ता वायणा, संखेज्जा अणुओगदारा, संखेज्जा वेढा, संखेज्जा सिलोगा, संखेज्जाओ निज्जुत्तीओ, संखेज्जाओ संगहणीओ, संखेज्जाओ पडिवत्तीओ ।

से णं अंगट्टयाए तइए अंगे, एगे सुयक्खंघे, दस अज्भयणा, एगवीसं उद्देसणकाला, एगवीसं समुद्देसणकाला, बावत्तरि पयसहस्साइ^५ पयग्गेणं, संखेज्जा अक्खरा, अणंता गमा, अणंता पज्जवा, परित्ता तसा, अणंता थावरा, सासय-कड-निबद्ध-निकाइया जिणपण्णत्ता भावा आघविज्जंति पण्णविज्जंति परूविज्जंति दंसिज्जंति निदंसिज्जंति उवदंसिज्जंति ।

से एवं आया; एवं नाया, एवं विण्णाया, एवं चरण-करण-परूवणा आघविज्जइ । सेत्तं ठाणे ॥

८४. से किं तं समवाए ? समवाए णं जीवा समासिज्जंति, अजीवा समासिज्जंति, जीवाजीवा समासिज्जंति । ससमए समासिज्जइ, परसमए समासिज्जइ, ससमय-परसमए समासिज्जइ । लोए समासिज्जइ, अलोए समासिज्जइ, लोयालोए समासिज्जइ ।

समवाए णं एगाइयाणं एगुत्तरियाणं ठाणसय-विवड्ढियाणं भावाणं परूवणा आघ-

१. सूयगडस्स (म) ।

२. बिईए (क, ख) ।

३. लोए ठाविज्जइ अलोए ठाविज्जइ लोयालोए

ठाविज्जइ ससमए ठा०, परसमए ठा० ससम-

यपरसमयए ठा० (पु); एवं ८४, ८५ सू०

गोरपि व्यत्ययो दृश्यते ।

४. ठाणस्स (म) ।

५. पयसहस्सा (क, ख) ।

विज्जइ । दुवालसविहरसं य गणिपिडगरस पत्तलवग्गे समासिज्जइ ।

समवायस्सं णं परित्ता वायणा, संखेज्जा अणुओगदारा, संखेज्जा वेढा, संखेज्जा सिलोगा, संखेज्जाओ निज्जुत्तीओ, संखेज्जाओ संगहणीओ, संखेज्जाओ पडिवत्तीओ ।

से णं अंगट्टयाए चउत्थे अंगे, एगे सुयक्खंधे, एगे अज्झयणे, एगे उद्देसणकाले, एगे समुद्देसणकाले, एगे चोयाले पयसयसहस्से पयग्गेणं, संखेज्जा अक्खरा, अणंता गमा, अणंता पज्जवा, परित्ता तसा, अणंता थावरा, सासय-कड-निबद्ध-निकाइया जिण-पण्णत्ता भावा आघविज्जंति पण्णविज्जंति परुविज्जंति दंसिज्जंति निदंसिज्जंति उवदंसिज्जंति ।

से एवं आया, एवं नाया, एवं विण्णाया, एवं चरण-करण-परुवणा आघविज्जइ । सेत्तं समवाए ॥

८५. से किं तं विद्याहे ? विद्याहे णं जीवा विआहिज्जंति, अजीवा विआहिज्जंति, जीवाजीवा विआहिज्जंति । ससमए विआहिज्जंति, परसमए विआहिज्जंति, ससमय-परसमए विआहिज्जंति । लोए विआहिज्जंति, अलोए विआहिज्जंति, लोया-लोए विआहिज्जंति ।

विद्याहस्सं णं परित्ता वायणा, संखेज्जा अणुओगदारा, संखेज्जा वेढा, संखेज्जा सिलोगा, संखेज्जाओ निज्जुत्तीओ, संखेज्जाओ संगहणीओ^१, संखेज्जाओ पडिवत्तीओ ।

से णं अंगट्टयाए पंचमे अंगे, एगे सुयक्खंधे, एगे साइरेगे अज्झयणसए, दस उद्देसण-सहस्साइं, दस समुद्देसणसहस्साइं, छत्तीसं वागरणसहस्साइं, 'दो लक्खा अट्टासीइं पयसहस्साइं पयग्गेणं'^२, संखेज्जा अक्खरा, अणंता गमा, अणंता पज्जवा, परित्ता तसा, अणंता थावरा, सासय-कड-निबद्ध-निकाइया, जिणपण्णत्ता भावा आघ-विज्जंति पण्णविज्जंति परुविज्जंति दंसिज्जंति निदंसिज्जंति उवदंसिज्जंति ।

से एवं आया, एवं नाया, एवं विण्णाया, एवं चरण-करण-परुवणा आघविज्जइ । सेत्तं विद्याहे ॥

८६. से किं तं नायाधम्मकहाओ ? नायाधम्मकहासुं णं नायाणं नगराइं, उज्जाणाइं, चेइयाइं, वणसंडाइं, समोसरणाइं, रायाणो, अम्मापियरो, 'धम्मायरिया,

१. दुवालसंगस्स (पु) ।

२. समवाए (पु) ।

३, ४. विद्याहे (क, ख) ।

५. विद्याहस्स (क, ख) ।

६. × (क, ख) ।

७. समवायागे स्थानद्वये प्रस्तुतसूत्रस्य चतुर-शीतिसहस्राणि पदानि निरूपितानि सन्ति—

'विद्याहपण्णत्तीए णं भगवतीए चउरासीइं पयसहस्सा पदग्गेणं पण्णत्ता' (समवाय ८४।११); 'चउरासीइं पयसहस्साइं पयग्गेणं' (पइण्णम समवाय सू० ६३) ।

८. विद्याहे (क, ख) ।

९. 'कहा (ख) ।

धम्मकहाओ, इहलोइय-परलोइया इड्ढिविसेसा^१, भोगपरिच्चाया, पव्वज्जाओ, परिआया, सुयपरिग्गहा, तवोवहाणाइ, संलेहणाओ, भत्तपच्चक्खाणाइ, पाओ-वगमणाइ, देवलोगमणाइ, सुकुलपच्चायाईओ, पुणवोहिलाभा, अंतकिरियाओ य^२ आघविज्जंति ।

दस धम्मकहाणं वग्गा । तत्थ णं एगमेगाए धम्मकहाए पंच पंच अक्खाइयासयाइ^३ । एगमेगाए अक्खाइयाए पंच पंच उवक्खाइयासयाइ^४ । एगमेगाए उवक्खाइयाए पंच पंच अक्खाइओवक्खाइयासयाइ—एवमेव सपुव्वावरेणं अद्धट्ठाओ कहाणग-कोडीओ हवंति त्ति मक्खायं ।

नायाधम्मकहाणं परित्ता वायणा, संखेज्जा अणुओगदारा, संखेज्जा वेढा, संखेज्जा सिलोगा, संखेज्जाओ निज्जुत्तीओ, संखेज्जाओ संगहणीओ, संखेज्जाओ पडिवत्तीओ । से णं अंगट्टयाए छट्ठे अंगे, दो सुद्वखंघा, एगूणतीसं अज्जयणा^५, एगूणतीसं उद्देसण-काला, एगूणतीसं समुद्देसणकाला, 'संखेज्जाइं पयसहस्साइं'^६ पयग्गेणं, संखेज्जा अक्खरा, अणंता गमा, अणंता पज्जवा, परित्ता तसा, अणंता थावरा, सासय-कड-निबद्ध-निकाइया जिणपणत्ता भावा आघविज्जंति, पण्णविज्जंति, परूविज्जंति, दंसिज्जंति, निदंसिज्जंति, उवदंसिज्जंति ।

से एवं आया, एवं नाया, एवं विण्णाया, एवं चरण-करण-परूवणा आघविज्जइ । सेत्तं नायाधम्मकहाओ ॥

८७. से कि तं उवासगदसाओ ? उवासगदसासु णं समणीवासगणं नगराइ, उज्जाणाइ, चेइयाइ, वणसंडाइ, समोसरणाइ, रायाणो, अम्मापियरो, धम्मायरिया, धम्मक-हाओ, इहलोइय-परलोइया इड्ढिविसेसा, भोगपरिच्चाया^७, परिआया, सुयप-रिग्गहा, तवोवहाणाइ, सीलव्वय-गुण-वेरमण-पच्चक्खाण-पोसहोववास-पडिवज्ज-णया, पडिमाओ, उवसग्गा, संलेहणाओ, भत्तपच्चक्खाणाइ, पाओवगमणाइ,

१. धम्मकहाओ धम्मायरिया इहलोगपरलोमिया रिद्धिविसेसा (पु) एवं ८७, ८८, ८९, ९१ सूत्रेष्वपि ।

२. × (क, ख) ।

३. जूणो हारिभद्रीयवृत्तौ मलयगिरिवृत्तौ च 'एगूणतीसं नातज्जयणा' इति पाठो व्याख्या-तोस्ति । अत्र 'नात' शब्दः स्वीकृतोस्ति, ज्ञातस्य एकोनविंशतिरध्ययनानि सन्ति, तेनासौ पाठः समीचीनोस्ति । किन्तु, पाठ-शोधनाय प्रयुक्तप्रत्ययः 'एगूणतीसं अज्जयणा' इति पाठः प्राप्यते । अत्र 'नात' शब्दोनास्ति, तेन नात्रापि कश्चिद् दोषः । ज्ञातस्य एको-नविंशतेरध्ययनानां धर्मकथानां च दशवर्गाणां

योगेन एकोनविंशदध्ययनानि सम्पद्यन्ते । द्रष्टव्यं समवाओ, प्रकीर्णकसमवायश्च ९४ सूत्रम् ।

४. संखेज्जा पयसहस्सा (क, ख) ।

५. परिच्चाया पव्वज्जाओ (क, ख); अत्र 'पव्वज्जाओ' इति पदं पूर्वसूत्राणुसरणेतैवाया-तमिति प्रतीयते । समवायांगसूत्रगत-उपासक-दशा विवरणे 'भोगपरिच्चाया परिआया' एतौ शब्दावपि न स्तः यथा—इड्ढिविसेसा, उवासयाणं च सीलव्वय-वेरमण-गुण-पच्चक्खाण-पोसहोववास-पडिवज्जणयाओ सुयपरिग्गहा तवोवहाणाइ पडिमाओ (पइण्णग-समवाय सू० ९५) ।

देवलोगगमणाइं, सुकुलपच्चायाईओ, पुण बोहिलाभा, अंतकिरियाओ य आघविज्जति ।

उवासगदसाणं^१ परित्ता वायणा, संखेज्जा अणुओगदारा, संखेज्जा वेढा, संखेज्जा सिलोगा, संखेज्जाओ निज्जुत्तीओ, संखेज्जाओ संगहणीओ, संखेज्जाओ पडिवत्तीओ ।

से णं अंगट्टयाए सत्तमे अंगे, एगे सुयक्खंघे, दस अज्झयणा, दस उद्देसणकाला, दस समुद्देसणकाला, संखेज्जाइं पयसहस्साइं पयग्गेणं, संखेज्जा अक्खरा, अणंता गमा, अणंता पज्जवा, परित्ता तसा, अणंता थावरा, सासय-कड-निबद्ध-निकाइया जिणपण्णत्ता भावा आघविज्जति, पण्णविज्जति, परूविज्जति, दंसिज्जति, निदंसिज्जति, उवदंसिज्जति ।

से एवं आया, एवं नाया, एवं विण्णाया, एवं चरण-करण-परूवणा आघविज्जइ । सेत्तं उवासगदसाओ ।।

८८. से किं तं अंतगडदसाओ ? अंतगडदसाओ णं अंतगडाणं नगराईं, उज्जाणाईं, चेइ-याईं, वणसंडाईं, समोसरणाईं, रायाणो, अम्मापियरो, धम्मायरिया, धम्म-कहाओ, इहलोइय-परलोइया इडिडविसेसा, भोगपरिच्छागा, पक्वज्जाओ परिआया, सुयपरिग्गहा, तवोवहाणाईं सल्लेहणाओ, भत्तपच्चक्खाणाईं, पाओवगमणाईं^२, अंतकिरियाओ य आघविज्जति ।

अंतगडदसाणं^३ परित्ता वायणा, संखेज्जा अणुओगदारा, संखेज्जा वेढा, संखेज्जा सिलोगा, संखेज्जाओ निज्जुत्तीओ, संखेज्जाओ संगहणीओ, संखेज्जाओ पडिवत्तीओ ।

से णं अंगट्टयाए अट्टमे अंगे, एगे सुयक्खंघे, 'अट्टवग्गा, अट्ट उद्देसणकाला, अट्ट समुद्दे-सणकाला'^४, संखेज्जाइं पयसहस्साइं पयग्गेणं, संखेज्जा अक्खरा, अणंता गमा, अणंता पज्जवा, परित्ता तसा, अणंता थावरा, सासय-कड-निबद्ध-निकाइया जिण-पण्णत्ता भावा आघविज्जति, पण्णविज्जति परूविज्जति दंसिज्जति निदंसिज्जति उवदंसिज्जति ।

१. 'दसासु णं (पु) ।

२. 'गमणाइं देवलोगगमणाइं सुकुलपच्चायाईओ पुणबोहिलाभा (क, ख) ।

३. 'दसासुणं (पु) ।

४. अत्र समत्रायामे—'दस अज्झयणा सत्त वग्गा दस उद्देसणकाला दस समुद्देसणकाला' इति पाठो विद्यते । अमघदेवसूरिणा अस्मिन् विषये ऊहापोहः कृतः, किन्तु तेन प्रस्तुता समस्या नैव समाहिता जायते । तथा च वृत्तिः—'दस अज्झयण' ति प्रथमवर्गपिक्षयैव घटन्ते, नन्दां

तथैव व्याख्यातत्वात्, यच्चेह पठ्यते 'सत्त वग्ग' ति तत्प्रथमवर्गादन्यवर्गपिक्षया, यतोऽत्र सर्वेऽप्यष्ट वर्गाः नन्दायामपि तथापठितत्वात्, तद्वृत्तिश्चेयं 'अट्ट वग्ग' ति अत्र वर्गः समूहः, स चान्तकृतत्वात्प्रथमवर्गानां वा, सर्वाणि चैकवर्गगतानि युगपदुद्दिश्यन्ते ततो भणितं 'अट्ट उद्देसणकाला' इत्यादि । इह च दश उद्देशनकाला अधीयन्ते इति नास्याभिप्राय-मवगच्छामः ।

से एवं आया, एवं नाया, एवं विण्णाया, एवं चरण-करण-परूवणा आघविज्जइ ।
सेत्तं अंतगडदसाओ ॥

८६. से किं तं अणुत्तरोववाइयदसाओ ? अणुत्तरोववाइयदसाओ णं अणुत्तरोववाइयाणं
नगराई, उज्जाणाई, चेइयाई, वणसंडाई, समोसरणाई, रायाणो, अम्मापियरो,
धम्मायरिया, धम्मकहाओ, इहलोइय-परलोइया इड्ढिविसेसा, भोगपरिच्चागा,
पव्वज्जाओ, परिआगा, सुयपरिग्गहा, तवोवहाणाई, पडिमाओ, उवसग्गा,
संलेह्णाओ, भत्तपच्चक्खाणाई, पाओवगमणाई, अणुत्तरोववाइयत्ते उववत्ती,
सुकुलपच्चायाईओ, पुणबोहिलाभा, अंतकिरियाओ य आघविज्जंति ।

अणुत्तरोववाइयदसाणं परित्ता वायणा, संखेज्जा अणुओगदारा, संखेज्जा वेढा,
संखेज्जा सिलोगा, संखेज्जाओ निज्जुत्तीओ, संखेज्जाओ संगहणीओ, संखेज्जाओ
पडिवत्तीओ ।

से णं अंगट्टयाए नवमे अंगे, 'एगे सुयक्खंधे, तिण्णि वग्गा, तिण्णि उद्देसणकाला,
तिण्णिसमुद्देसणकाला', संखेज्जाई पयसहस्साई पयग्गेणं, संखेज्जा अक्खरा,
अणंता गमा, अणंता पज्जवा, परित्ता तसा, अणंता थावरा, सासय-कड-निबद्ध-
निकाइया जिणपण्णत्ता भावा आघविज्जंति पण्णविज्जंति परूविज्जंति दंसिज्जंति
निदंसिज्जंति उवदंसिज्जंति ।

से एवं आया, एवं नाया, एवं विण्णाया, एवं चरण-करण-परूवणा आघविज्जइ ।
सेत्तं अणुत्तरोववाइयदसाओ ॥

९०. से किं तं पण्हावागरणाई ? पण्हावागरणेसु णं अट्ठुत्तरं पसिणसयं, अट्ठुत्तरं
अपसिणसयं, अट्ठुत्तरं पसिणापसिणसयं, 'अण्णे य विचित्ता दिव्वा' विज्जाइ-
सया, नागसुवण्णहिं सड्ढि दिव्वा 'संवाया आघविज्जंति' । पण्हावागरणाणं
परित्ता वायणा, संखेज्जा अणुओगदारा, संखेज्जा वेढा, संखेज्जा सिलोगा,
संखेज्जाओ निज्जुत्तीओ, संखेज्जाओ संगहणीओ, संखेज्जाओ पडिवत्तीओ ।

से णं अंगट्टयाए दसमे अंगे, एगे सुयक्खंधे, पणयालीसं अज्झयणा, पणयालीसं
उद्देसणकाला, पणयालीसं समुद्देसणकाला, संखेज्जाई पयसहस्साई पयग्गेणं,
संखेज्जा अक्खरा, अणंता गमा, अणंता पज्जवा, परित्ता तसा, अणंता थावरा,

१. अणुत्तरोववाइत्ति (क, ख) ।

२. समवायाङ्गे (पइण्णगसमवाय सूत्र ६७) अत्र
पाठभेदो विद्यते, यथा—'एगे सुयक्खंधे दस
अज्झयणा तिण्णि वग्गा दस उद्देसणकाला दस
समुद्देसणकाला' । अभयदेवसूरिणा अस्मिन्
विषये न किञ्चिद् निश्चयपूर्वकं लिखितम्,
यथा—'इह अध्ययनसमूहो वर्गः, वर्गं
दशाध्ययनानि, वर्गश्च युगपदेवोद्दिश्यते इत्य-

तस्त्रय एवोद्देशनकाला भवन्ति । एवमेव च
नन्द्यामभिधीयन्ते, इह तु दृश्यन्ते दशैति,
अत्राभिप्रायो न ज्ञायते' ।

३. 'पसिणसयं, तं जहा—अंगुट्टुपसिणाईं बाहुप-
सिणाईं अहागपसिणाईं (क) ।

४. अन्ने त्रि य विविहा (म); अन्ने य विविहा
(वू); अन्ने य दिव्वा विचित्ता (ह) ।

५. संघाणा संघणंति (चूपा) ।

सासय-कड-निबद्ध-निकाइया जिणपण्णत्ता भावा आघविज्जंति पण्णविज्जंति परूविज्जंति दंसिज्जंति निदंसिज्जंति उवदंसिज्जंति ।

से एवं आया, एवं नाया, एवं विण्णाया, एवं चरण-करण-परूवणा आघविज्जइ । सेत्तं पण्हावागरणाइ ॥

६१. से किं तं विवागसुयं ? विवागसुए णं सुकड-दुक्कडाणं कम्माणं फलविवागे आघ-विज्जइ । तत्थ णं दस दुहविवागा, दस सुहविवागा ।

से किं तं दुहविवागा ? दुहविवागेषु णं दुहविवागाणं नगराइं, उज्जाणाइं वणसं-डाइं, चेइयाइं, समोसरणाइं, रायाणो, अम्मापियरो, धम्मायरिया, धम्मकहाओ, इहलोइय-परलोइया रिद्धिविसेसा, निरयगमणाइं, 'संसारभवपवंचा, दुहपरंपराओ', दुक्कुलपच्चायाईयो, दुल्लहबोहियत्तं आघविज्जइ । सेत्तं दुहविवागा ।

से किं तं सुहविवागा ? सुहविवागेषु णं सुहविवागाणं नगराइं, उज्जाणाइं, वण-संडाइं, चेइयाइं, समोसरणाइं, रायाणो, अम्मापियरो, धम्मायरिया, धम्मकहाओ, इहलोइय-परलोइया इड्ढिविसेसा, भोगपरिच्चागा, पव्वज्जाओ, परिआया, सुय-परिग्गहा, तवोवहाणाइं, संलेहणाओ, भत्तपच्चक्खाणाइं, पाओवगमणाइं, देव-लोगगमणाइं, सुहपरंपराओ, सुकुलपच्चायाईओ, पुणबोहिलाभा, अंतकिरियाओ य आघविज्जंति । सेत्तं सुहविवागा ।

विवागसुयस्स^१ णं परित्ता वायणा, संखेज्जा अणुओगदारा, संखेज्जा वेढा, संखेज्जा सिलोगा, संखेज्जाओ निज्जुत्तीओ, संखेज्जाओ संगहणीओ, संखेज्जाओ पडिवत्तीओ ।

से णं अंगदुयाए इक्कारसमे अंगे, दो सुयक्खंधा, वीसं अज्झयणा, वीसं उद्देसण-काला, वीसं समुद्देसणकाला, संखेज्जाइं पयसहस्साइं पयग्गेणं, संखेज्जा अक्खरा, अणंता गमा, अणंता पज्जवा, परित्ता तसा, अणंता थावरा सासय-कड-निबद्ध-निकाइया जिणपण्णत्ता भावा आघविज्जंति पण्णविज्जंति परूविज्जंति दंसिज्जंति निदंसिज्जंति उवदंसिज्जंति ।

से एवं आया, एवं नाया, एवं विण्णाया, एवं चरण-करण-परूवणा आघविज्जइ । सेत्तं विवागसुयं ॥

६२. से किं तं दिट्ठिवाए ? दिट्ठिवाए णं सव्वभावपरूवणा आघविज्जइ । से समासओ पंचविहे पण्णत्ते, तं जहा—१. परिकम्मे २. सुत्ताइं ३. पुव्वगए ४ अणुओगे ५. चूलिया ॥

६३. से किं तं परिकम्मे ? परिकम्मे सत्तविहे पण्णत्ते, तं जहा—१. सिद्धसेणियापरिकम्मे २. मणुस्ससेणियापरिकम्मे ३. पुट्टसेणियापरिकम्मे ४. ओगाढसेणियापरि-

१. दुहपरंपराओ संसारभवपवंचा (पु) ।

२. विवागसुत्ते (पु) ।

कम्मे' ५. उवसंपज्जणसेणियापरिकम्मे ६. विप्पजहणसेणियापरिकम्मे ७. चुया-
चुयसेणियापरिकम्मे ॥

६४. से किं तं सिद्धसेणियापरिकम्मे ? सिद्धसेणियापरिकम्मे चउद्दसविहे पण्णत्ते, तं
जहा—१. माउगापयाइं २. एगट्टियपयाइं ३. अट्टापयाइं ४. पाढो ५. आगास-
पयाइं ६. केउभूयं ७. रासिबद्धं ८. एगगुणं ९. दुगुणं १०. तिगुणं ११. केउभूय-
पडिग्गहो १२. संसारपडिग्गहो १३. नंदावत्तं १४. सिद्धावत्तं । सेत्तं सिद्धसेणिया-
परिकम्मे ॥

६५. से किं तं मणुस्ससेणियापरिकम्मे ? मणुस्ससेणियापरिकम्मे चउद्दसविहे पण्णत्ते, तं
जहा—१. माउगापयाइं २. एगट्टियपयाइं ३. अट्टापयाइं ४. पाढो ५. आगास-
पयाइं ६. केउभूयं ७. रासिबद्धं ८. एगगुणं ९. दुगुणं १०. तिगुणं ११. केउभूय-
पडिग्गहो १२. संसारपडिग्गहो १३. नंदावत्तं १४. मणुस्सावत्तं । सेत्तं मणुस्स-
सेणियापरिकम्मे ॥

६६. से किं तं पुट्टसेणियापरिकम्मे ? पुट्टसेणियापरिकम्मे इक्कारसविहे पण्णत्ते, तं
जहा—१. पाढो २. आगासपयाइं ३. केउभूयं ४. रासिबद्धं ५. एगगुणं ६. दुगुणं
७. तिगुणं ८. केउभूयपडिग्गहो ९. संसारपडिग्गहो १०. नंदावत्तं ११. पुट्टावत्तं ।
सेत्तं पुट्टसेणियापरिकम्मे ॥

६७. से किं तं ओगाढसेणियापरिकम्मे ? ओगाढसेणियापरिकम्मे इक्कारसविहे पण्णत्ते,
तं जहा—१. पाढो २. आगासपयाइं ३. केउभूयं ४. रासिबद्धं ५. एगगुणं ६. दुगुणं
७. तिगुणं ८. केउभूयपडिग्गहो ९. संसारपडिग्गहो १०. नंदावत्तं ११. ओगाढावत्तं ।
सेत्तं ओगाढसेणियापरिकम्मे ॥

६८. से किं तं उवसंपज्जणसेणियापरिकम्मे ? उवसंपज्जणसेणियापरिकम्मे इक्कारसविहे
पण्णत्ते, तं जहा—१. पाढो २. आगासपयाइं ३. केउभूयं ४. रासिबद्धं ५. एगगुणं
६. दुगुणं ७. तिगुणं ८. केउभूयपडिग्गहो ९. संसारपडिग्गहो १०. नंदावत्तं
११. उवसंपज्जणावत्तं । सेत्तं उवसंपज्जणसेणियापरिकम्मे ॥

६९. से किं तं विप्पजहणसेणियापरिकम्मे ? विप्पजहणसेणियापरिकम्मे इक्कारसविहे
पण्णत्ते, तं जहा—१. पाढो २. आगासपयाइं ३. केउभूयं ४. रासिबद्धं ५. एगगुणं
६. दुगुणं ७. तिगुणं ८. केउभूयपडिग्गहो ९. संसारपडिग्गहो १०. नंदावत्तं
११. विप्पजहणावत्तं । सेत्तं विप्पजहणसेणियापरिकम्मे ॥

- | | |
|---------------------------------------|-------------------------|
| १. ओगहण० (पइण्णग समवाय सू० १०१) | ३. आमास० (पु) सर्वत्र । |
| सर्वत्र । | ४. ०परिग्गहो (क) । |
| २. अट्टपयाणि (पइण्णग समवाय सू० १०२) । | ५. ओगाढवत्तं (क) । |

१००. से किं तं चुयअचुयसेणियापरिकम्मे ? चुयअचुयसेणियापरिकम्मे एकारसविहे पणत्ते, तं जहा—१. पाढो २. आगासपयाइं ३. केउभूयं ४. रासिबद्धं ५. एगगुणं ६. दुगुणं ७. तिगुणं ८. केउभूयपडिग्गहो ९. संसारपडिग्गहो १०. नंदावत्तं ११. चुयअचुयावत्तं । सेत्तं चुयअचुयसेणियापरिकम्मे ॥

१०१. [इच्चेयाइं सत्त परिकम्माइं छ ससमइयाणि सत्त आजीवियाणि ?] छ चउक्कणइयाइं, सत्त तेरासियाइं सेत्तं परिकम्मे ॥

१०२. से किं तं सुत्ताइं ? सुत्ताइं बावीसं पणत्ताइं, तं जहा—१. उज्जुसुयं २. परिणयापरिणयं ३. बहुभंगियं ४. विजयचरियं ५. अणंतरं ६. परंपर ७. सामाणं ८. संजूहं ९. संभिण्णं १०. आहच्चायं ११. 'सोवत्थियं घंटं' १२. नंदावत्तं १३. बहुलं १४. पुट्टापुट्ठं १५. वियावत्तं १६. एवंभूयं १७. दुयावत्तं १८. वत्तमाणुप्पयं १९. समभिरूढं २०. सव्वओभइं २१. पण्णासं २२. दुप्पडिग्गहं ॥

१०३. इच्चेयाइं^१ बावीसं सुत्ताइं छिण्णच्छेयनइयाणि ससमयसुत्तपरिवाडीए ।
इच्चेयाइं^२ बावीसं सुत्ताइं अच्छिण्णच्छेयनइयाणि आजीवियसुत्तपरिवाडीए ।
इच्चेयाइं^३ बावीसं सुत्ताइं तिगनइयाणि तेरासियसुत्तपरिवाडीए ।
इच्चेयाइं^४ बावीसं सुत्ताइं चउक्कनइयाणि ससमयसुत्तपरिवाडीए ।
एवामेव सपुव्वावरेणं अट्ठासीइं सुत्ताइं भवंतीति मक्खायं^५ । सेत्तं सुत्ताइं ॥

१०४. से किं तं पुव्वगए ? पुव्वगए चउदसविहे पणत्ते, तं जहा—१. उप्पायपुव्वं २. अग्गेणीयं ३. वीरियं ४. अत्थिनत्थिप्पवायं^५ ५. नाणप्पवायं ६. सच्चप्पवायं ७. आयप्पवायं ८. कम्मप्पवायं ९. पच्चक्खाणं १०. विज्जाणुप्पवायं^{११} ११. अवंभं^{१२} १२. पाणाउं^{१३} १३. किरियाविसालं १४. लोकविदुसारं ॥

१०५. उप्पायपुव्वस्स णं पुव्वस्स दस वत्थू, चत्तारि चूलियावत्थू^{१०} पणत्ता ॥

१०६. 'अग्गेणीयपुव्वस्स णं'^{११} चोदस वत्थू, दुवालस चूलियावत्थू^{१२} पणत्ता ॥

- | | |
|---|--|
| १. चुयमचुयं (पु) । | १०. भूयावत्तं (पु) । |
| २. चुआचुयवत्तं (क) । | ११, १२, १३, १४. इच्चेइयाइं (क, ख) । |
| ३. समवायाङ्गं (पइण्णग समवाय सू० १०९)
सूत्रानुसारेणं पाठो युज्यते । नन्दीचूणि-
वृत्तिष्वपि पाठांशोसौ दृश्यते । | १५. मक्खाइं (क, ख) । |
| ४. उज्जुगं (पइण्णग समवाय सू० ११०) । | १६. ०प्पवाइं (क, ख) । |
| ५. मासणं (पु) । | १७. विज्जणुप्पवाइं (पु) । |
| ६. भिण्णं (पइण्णग समवाय सू० ११०) । | १८. अवंभं (क) । |
| ७. आयच्चायं (पु) । | १९. पाणायं (पु) । |
| ८. सोवत्थिप्पणं (पु) । | २०. चुल्लयवत्थू (म) । |
| ९. वेयावच्चं (पु) । | २१. अग्गेणि (णी) यस्स णं पुव्वस्स (पइण्णग-
समवाय सू० ११४, पु) सर्वत्र । |
| | २२. चुल्लवत्थू (म) । |

१०७. वीरियपुव्वस्स णं अट्ठ वत्थू, अट्ठ चूलियावत्थू पण्णत्ता ।।
 १०८. अत्थिनत्थिप्पवायपुव्वस्स णं अट्ठारस्स वत्थू, दस चूलियावत्थू पण्णत्ता ।।
 १०९. नाणप्पवायपुव्वस्स णं बारस्स वत्थू पण्णत्ता ।।
 ११०. सच्चप्पवायपुव्वस्स णं दोण्णि वत्थू पण्णत्ता ।।
 १११. आयप्पवायपुव्वस्स णं सोलस वत्थू पण्णत्ता ।।
 ११२. कम्मप्पवायपुव्वस्स णं तीसं वत्थू पण्णत्ता ।।
 ११३. पच्चक्खाणपुव्वस्स णं वीसं वत्थू पण्णत्ता ।।
 ११४. विज्जाणुप्पवायपुव्वस्स णं पण्णरस्स वत्थू पण्णत्ता ।।
 ११५. अवंग्गपुव्वस्स णं बारस्स वत्थू पण्णत्ता ।।
 ११६. पाणाउपुव्वस्स णं तेरस्स वत्थू पण्णत्ता ।।
 ११७. किरियाविसालपुव्वस्स णं तीसं वत्थू पण्णत्ता ।।
 ११८. लोकिबिदुसारपुव्वस्स णं पणुवोसं वत्थू पण्णत्ता ।।

संगहणी-गाहा

दस चोद्दस अट्ठ, अट्ठारसेव बारस्स दुवे य वत्थूणि ।
 सोलस तीसा वीसा, पण्णरस्स अणुप्पवायम्मि ॥१॥
 बारस्स इक्कारसमे, बारसमे तेरसेव वत्थूणि ।
 तीसा पुण तेरसमे, चोद्दसमे पण्णवीसाओ ॥२॥
 चत्तारि दुवालस अट्ठ, चेव दस चेव चुल्लवत्थूणि ।
 आइल्लाण चउण्हं, सेसाणं चूलिया नत्थि ॥३॥

सेत्तं पुव्वगए ।।

११९. से किं तं अणुओगे ? अणुओगे दुविहे पण्णत्ते, तं जहा—मूलपढमाणुओगे गंडियाणुओगे य ॥
 १२०. से किं तं मूलपढमाणुओगे ? मूलपढमाणुओगे णं अरहंताणं भगवंताणं पुव्वभवा, देव-लोगगमणाइं, आउं, चवणाइं, जम्मणाणि य अभिसेया, रायवरसिरीओ, पव्वज्जाओ, तवा य उगगा, केवलनाणुप्पयाओ, तित्थपवत्तणाणि य, सीसा, गणा, 'गणहरा, अज्जा, पवत्तिणीओ,' संघरस्स चउव्विहस्स जं च परिमाणं, जिण-मणपज्जव-ओहि-नाणी, समत्तसुयनाणिणो य, वाई,^१ अणुत्तरगई य, उत्तरवेउव्विणो य मुणिणो, जत्तिया सिद्धा, सिद्धिपहो जह^२ देसिओ, जच्चिरं च कालं पाओवगया, जे जहिं जत्तियाइं भत्ताइं छेइत्ता अंतगडे मुणिवरुत्तमे तम-रओघ-विप्पमुक्के मुखसुहमणुत्तरं च पत्ते । एतेअण्णे^३ य एवमाई भावा मूलपढमाणुओगे कहिया । सेत्तं मूलपढमाणुओगे ।

१. गणघरा य अज्जा य पवत्तिणीओ य (पु) ।

२. वादी य (पु) ।

३. जह य (पु) ।

४. एवमन्ने (क, ख) ।

१२१. से किं तं गंडियाणुओगे ? गंडियाणुओगे कुलगरगंडियाओ, तित्थयरगंडियाओ, चक्कवट्टिगंडियाओ, दसारगंडियाओ, बलदेवगंडियाओ, वासुदेवगंडियाओ, गणधर-गंडियाओ, भद्दबाहुगंडियाओ, तवोकम्मगंडियाओ, हरिवंसगंडियाओ, ओसप्पिणी-गंडियाओ, उस्सप्पिणीगंडियाओ, चित्तंतरगंडियाओ, अमर-नर-तिरिय-निरय-मइ-गमण-विहिह-परियट्टणेसु, ' एवमःइयाओ गंडियाओ' आघविज्जंति' । सेत्तं गंडियाणु-ओगे । सेत्तं अणुओगे ॥
१२२. से किं तं चूलियाओ ? चूलियाओ—आइल्लाणं चउण्हं पुव्वाणं चूलिया, सेसाइं पुव्वाइं अचूलियाइं । सेत्तं चूलियाओ ॥
१२३. दिट्ठिवायस्स णं परित्ता वायणा, संखेज्जा अणुओगदारा, संखेज्जा वेढा, संखेज्जा सिलोगा, संखेज्जाओ पडिवत्तीओ, संखेज्जाओ निज्जुत्तीओ, संखेज्जाओ संगहणीओ । से णं अंगट्टयाए बारसमे^१ अंगे, एगे सुयक्खंघे, चोद्दस पुव्वाइं, संखेज्जा वत्थू, संखेज्जा चुल्लवत्थू, संखेज्जा पाहुडा, संखेज्जा पाहुडपाहुडा, संखेज्जाओ पाहुडियाओ, संखेज्जाओ पाहुडपाहुडियाओ, संखेज्जाइं पयसहस्साइं पयग्गेणं, संखेज्जा अक्खरा, अणंता गमा, अणंता पज्जवा, परित्ता तसा, अणंता थावरा, सासय-कड-निबद्ध-निकाइया जिणपण्णत्ता भावा आघविज्जंति पण्णविज्जंति परूविज्जंति दंसिज्जंति निदंसिज्जंति उवदंसिज्जंति ।
से एवं आया, एवं नाया, एवं विण्णाया, एवं चरण-करण-परूवणा आघविज्जंति । सेत्तं दिट्ठिवाए ॥
१२४. इच्चेइयम्मि दुवालसंगे गणिपिडगे अणंता भावा, अणंता अभावा, अणंता हेऊ, अणंता अहेऊ, अणंता कारणा, अणंता अकारणा, अणंता जीवा, अणंता अजीवा, अणंता भवसिद्धिया, अणंता अभवसिद्धिया, अणंता सिद्धा, अणंता असिद्धा पण्णत्ता । संगहणी-नाहा—
भावमभावा हेऊ, महेऊ कारणमकारणा^४ चेव ।
जीवाजीवा भवियमभविया सिद्धा असिद्धा य ॥१॥
१२५. इच्चेइयं^५ दुवालसंगं गणिपिडगं तीए काले अणंता जीवा आणाए विराहिता चाउ-रंतं संसारकंतारं अणुपरियट्टिसु ।
इच्चेइयं दुवालसंगं गणिपिडगं पडुप्पणकाले परित्ता जीवा आणाए विराहिता चाउरंतं संसारकंतारं अणुपरियट्टंति ।
इच्चेइयं दुवालसंगं गणिपिडगं अणागए काले अणंता जीवा आणाए विराहिता चाउरंतं संसारकंतारं अणुपरियट्टिस्संति ।

१. परियट्टणाणुओगेसु (क, ख) ।

२. × (क, ख) ।

३. आघविज्जंति पण्णविज्जंति (क, ख) ।

४. दुवालसमे (गु) ।

५. मकारणे (क, ख) ।

६. इच्चेत्तं (पइण्णग समवाय सू० १२२) सर्वत्र ।

इच्छेइयं दुवालसंगं गणिपिडगं तीए काले अणंता जीवा आणाए आराहिता चाउ-
रंतं संसारकंतारं वीईवइंसु ।

इच्छेइयं दुवालसंगं गणिपिडगं पडुप्पणकाले परिता जीवा आणाए आराहिता
चाउरंतं संसारकंतारं वीईवयंति ।

इच्छेइयं दुवालसंगं गणिपिडगं अणागए काले अणंता जीवा आणाए आराहिता
चाउरंतं संसारकंतारं वीईवइस्संति ॥

१२६. इच्छेइयं दुवालसंगं गणिपिडगं न कयाइ नासी, न कयाइ न भवइ, न कयाइ न
भविस्सइ । भुवि च, भवइ य, भविस्सइ य । धुवे नियए सासए अक्खए अक्खए
अवट्टिए निच्चे ।

से जहानामए पंचत्थिकाए न कयाइ नासी, न कयाइ नत्थि, न कयाइ न भविस्सइ ।
भुवि च, भवइ य, भविस्सइ य । धुवे नियए सासए अक्खए अक्खए अवट्टिए निच्चे ।
एवामेव दुवालसंगे गणिपिडगे न कयाइ नासी, न कयाइ नत्थि, न कयाइ न
भविस्सइ । भुवि च, भवइ य, भविस्सइ य । धुवे नियए सासए अक्खए अक्खए
अवट्टिए निच्चे ॥

१२७. से समासओ चउव्विहे पणत्ते, तं जहा —दव्वओ, खेत्तओ, कालओ, भावओ । तत्थ
दव्वओ णं 'सुयनाणी उवउत्ते' सव्वदव्वाइं 'जाणइ पासइ'^१ ।

खेत्तओ णं 'सुयनाणी उवउत्ते'^२ सव्वं खेत्तं 'जाणइ पासइ'^३ ।

कालओ णं 'सुयनाणी उवउत्ते'^४ सव्वं कालं 'जाणइ पासइ'^५ ।

भावओ णं सुयनाणी उवउत्ते सव्वे भावे 'जाणइ पासइ'^६ ।

संगहणी-गाहा—

अक्खर सण्णी मम्मं, साइयं खलु सपज्जवसियं च ।

गमियं अंगपविट्ठं, सत्तवि एए सपडिवक्खा ॥१॥

आगम-सत्थगगहणं, जं बुद्धिपुणेहि अट्ठिहि दिट्ठं^१ ।

बिन्ति सुयनाणलंभं, तं पुव्वविसारया घोरा ॥२॥

सुस्सुसइ पडिपुच्छइ, सुणइ गिण्हइ य ईहए यावि^२ ।

तत्तो अपोहए वा, घारेइ करेइ वा मम्मं ॥३॥

मूअं हुंकारं वा, बाढक्कार पडिपुच्छ वीमंसा ।

तत्तो पसंगपारायणं च परिणिट्ठ सत्तमए ॥४॥

१. उवउत्ते सुयनाणी (क, ख) ।

२. जाणइ न पासइ (हमा, मपा) ।

३. उवउत्ते सुयनाणी (क, ख) ।

४. जाणइ न पासइ (हपा, मपा) ।

५. उवउत्ते सुयनाणी (क, ख) ।

६, ७. जाणइ न पासइ (हपा, मपा)

८. विदिट्ठं (क) ।

९. वावि (क, ख) ।

सुत्तत्थो खलु पढमो, बीओ निज्जुत्तिमीसओ' भणिओ ।
तइओ य निरवसेसो, एस विही होइ अणुओगे ॥५॥

सेत्तं अंगपविट्ठं । सेत्तं सुयनाणं । सेत्तं परोक्खं^१ । सेत्तं नंदी ॥

ग्रन्थ-परिमाण

अक्षर-परिमाण १९९४१

अनुष्टुप्श्लोक-परिमाण ६२३, अक्षर ५

१. 'मीसिओ (म) ।

२. परोक्खनाणं (क, ख) ।

परिसिद्धं १ अणुणानंदी

१. से किं तं अणुण्णा ? अणुण्णा छव्विहा पण्णत्ता, तं जहा—नामाणुण्णा ठवणाणुण्णा दव्वाणुण्णा खेत्ताणुण्णा कालाणुण्णा भावाणुण्णा ॥
२. से किं तं नामाणुण्णा ? नामाणुण्णा—जस्स णं जीवस्स वा अजीवस्स वा जीवाण वा अजीवाण वा तद्दुभयस्स वा तद्दुभयाण वा अणुण्ण त्ति णामं कीरइ । सेत्तं नामाणुण्णा ॥
३. से किं तं ठवणाणुण्णा ? ठवणाणुण्णा—जं^१ णं कट्टकम्मे वा पोत्थकम्मे वा लेप्पकम्मे वा चित्तकम्मे वा गंधिमे वा वेढिमे वा पूरिमे वा संघातिमे वा अक्खे वा वराडए वा एमे वा अणेमे वा सब्भावठवणाए वा असब्भावठवणाए वा^२ अणुण्ण त्ति ठवणा ठविज्जति । सेत्तं ठवणाणुण्णा ॥
४. णाम-ठवणाणं को पतिविसेसो ? णामं आवकहियं, ठवणा इत्तिरिया वा होज्जा आवकहिया वा ॥
५. से किं तं दव्वाणुण्णा ? दव्वाणुण्णा दुविहा पण्णत्ता, तं जहा—आगमतो य नोआग-मतो य ॥
६. से किं तं आगमतो दव्वाणुण्णा ? आगमतो दव्वाणुण्णा—जस्स णं अणुण्णत्ति पदं सिक्खियं ठियं जियं मियं परिजियं नामसमं घोससमं अहीणक्खरं अणच्चक्खरं अब्वाइद्धक्खरं अक्खलियं अमिलियं अविच्चामेलियं पडिपुण्णं पडिपुण्णघोसं कंठोदु-विप्पमुक्कं गुरुवायणोवगयं से णं तत्थ वाघणाए पुच्छणाए परियट्टणाए धम्मकहाए, नो अणुप्पेहाए ॥
कम्हा ? अणुवओगो दव्वं इति कट्टु ।
णेगमस्स एमे अणुवउत्ते आगमतो एगा दव्वाणुण्णा, दोण्णि अणुवउत्ता आगमतो दोण्णि दव्वाणुण्णाओ, तिण्णि अणुवउत्ता आगमतो तिण्णि दव्वाणुण्णाओ, एवं

१. जे (क) ।

२. × (क) ।

जावतिया अणुवउत्ता तावतियाओ दव्वाणुण्णाओ । एवमेव ववहारस्स वि । संगहस्स एगे वा अणेगे वा अणुवउत्तो वा अणुवउत्ता वा दव्वाणुण्णा वा दव्वाणुण्णाओ वा सा एगा दव्वाणुण्णा । उज्जुमुअस्स एगे अणुवउत्ते आगमतो एगा दव्वाणुण्णा, पुहत्तं नेच्छइ । तिहं सट्ठणयाणं जाणए अणुवउत्ते अवत्थू ।
कम्हा ? जति जाणए अणुवउत्ते ण भवति । सेत्तं आगमतो दव्वाणुण्णा ॥

७. से किं तं नो आगमतो दव्वाणुण्णा ? नो आगमतो दव्वाणुण्णा तिविहा पण्णत्ता, तं जहा—जाणगसरीरदव्वाणुण्णा भवियसरीरदव्वाणुण्णा जाणगसरीरभवियसरीर-वइरित्ता दव्वाणुण्णा ॥
८. से किं तं जाणगसरीरदव्वाणुण्णा ? जाणगसरीरदव्वाणुण्णा—‘अणुण्ण’ त्ति पदत्था-हिगारजाणगस्स जं सरीरं^१ ववगयचुतचइयचत्तदेहं जीवविप्पजहं सिज्जागयं वा संथारगयं वा निसोहियागयं वा सिद्धिसिलातलगयं वा,^२ अहो णं इमेणं सरीरसमुस्सएणं (जिणदिट्ठेणं भावेणं ?) ‘अणुण्ण’ त्ति पयं आघवियं पण्णवियं पस्सवियं दंसियं णिदांसियं उवदंसियं । जहा को दिट्ठतो ? अयं घयकुंभे आसी, अयं महुकुंभे आसी । सेत्तं जाणगसरीरदव्वाणुण्णा ॥
९. से किं तं भवियसरीरदव्वाणुण्णा ? भवियसरीरदव्वाणुण्णा^३—जे जीवे जोणीजम्मण-णिवस्संते इमेणं चैव ‘सरीरसमुस्सएणं आदत्तेणं’^४ जिणदिट्ठेणं भावेणं ‘अणुण्ण’ त्ति पयं मेयकाले^५ सिक्खिस्सइ, न ताव सिक्खइ । जहा को दिट्ठतो ? अयं घयकुंभे भविस्सति, अयं महुकुंभे भविस्सति । सेत्तं भवियसरीरदव्वाणुण्णा ॥
१०. से किं तं जाणगसरीरभवियसरीरवइरित्ता दव्वाणुण्णा ? जाणगसरीरभवियसरीर-वइरित्ता दव्वाणुण्णा तिविहा पण्णत्ता, तं जहा—लोइया ‘कुप्पावयणिया लोउत्त-रिया य’^६ ॥
११. से किं तं लोइया दव्वाणुण्णा ? लोइया दव्वाणुण्णा तिविहा पण्णत्ता, तं जहा—सचित्ता अचित्ता मीसिया ॥
१२. से किं तं सचित्ता दव्वाणुण्णा ? सचित्ता दव्वाणुण्णा—से जहाणामए राया इ वा जुवराया इ वा ईसरे इ वा तलवरे इ वा माडंबिए इ वा कोडुंबिए इ वा इब्भे इ वा मेट्टी इ वा सेणावई इ वा सत्थवाहे इ वा कस्सइ कम्मि कारणे तुट्ठे समाणे आसं वा हत्थि दा उट्ठं वा गोणं वा खरं वा घोडयं वा एलयं वा अयं वा दासं वा दासिं वा अणुजाणेज्जा । सेत्तं सचित्ता दव्वाणुण्णा ।

१. उवउत्ता (क) ।

२. सरीरगं (पु) ।

३. अनुयोगद्वारसूत्रे (सू० १६) अत्र निम्नवर्ति-
पाठो विद्यते—‘वा पासित्ताणं कोइ वएज्जा’ ।

४. × (क) ।

५. ‘आइत्तेणं (क); आदत्तेणं सरीरसमुस्सएणं
(अणुओगद्वाराइं सू० १७) ।

६. सिअं (क) ।

७. लोउत्तरिया कुप्पावणिया य (क) ।

१३. से किं तं अचित्ता दव्वाणुण्णा ? अचित्ता दव्वाणुण्णा—से जहाणामए राया इ वा जुवराया इ वा ईसरे इ वा तलवरे इ वा माडंबिए इ वा कोडुंबिए इ वा इब्भे इ वा सेट्टी इ वा सेणावई इ वा सत्थवाहे इ वा कस्सइ कम्मि कारणे तुट्ठे समाणे आसणं वा सयणं वा छत्तं वा चामरं वा पडगं वा मउडं वा हिरण्णं वा सुवण्णं वा कंसं वा दूसं वा मणि-मोत्तिय-संख-सिलप्पवालरत्तरयणमादीयं संत-सार-सावइज्जं अणुजाणिज्जा । सेत्तं अचित्ता दव्वाणुण्णा ॥
१४. से किं तं मीसिया दव्वाणुण्णा ? मीसिया दव्वाणुण्णा—से जहाणामए राया इ वा जुवराया इ वा ईसरे इ वा तलवरे इ वा माडंबिए इ वा कोडुंबिए इ वा इब्भे इ वा सेट्टी इ वा सेणावई इ वा सत्थवाहे इ वा कस्सइ कम्मि कारणे तुट्ठे समाणे हत्थि वा मुहभंडगमंडियं, आसं वा थासग-चामरमंडियं, सकडगं दासं वा, दासि वा सव्वालंकारविभूसियं अणुजाणिज्जा । सेत्तं मीसिया दव्वाणुण्णा । सेत्तं लोइया दव्वाणुण्णा ॥
१५. से किं तं कुप्पावयणिया' दव्वाणुण्णा ? कुप्पावयणिया' दव्वाणुण्णा तिविहा पण्णत्ता, तं जहा—सचित्ता अचित्ता मीसिया ॥
१६. से किं तं सचित्ता दव्वाणुण्णा ? सचित्ता दव्वाणुण्णा—से जहाणामए आयरिए इ वा उवज्झाए इ वा कस्सइ कम्मि-कारणे तुट्ठे समाणे आसं वा हत्थि वा उट्टं वा गोणं वा खरं वा घोडं वा अयं वा एलगं वा दासं वा दासि वा अणुजाणिज्जा । सेत्तं सचित्ता दव्वाणुण्णा ॥
१७. से किं तं अचित्ता दव्वाणुण्णा ? अचित्ता दव्वाणुण्णा—से जहाणामए आयरिए इ वा उवज्झाए इ वा कस्सइ कम्मि कारणे तुट्ठे समाणे आसणं वा सयणं वा छत्तं वा चामरं वा पट्टं वा मउडं वा हिरण्णं वा सुवण्णं वा कंसं वा दूसं वा मणि-मोत्तिय-संख-सिलप्पवाल-रत्तरयणमादीयं संत-सार-सावएज्जं अणुजाणिज्जा । सेत्तं अचित्ता दव्वाणुण्णा ॥
१८. से किं तं मीसिया दव्वाणुण्णा ? मीसिया दव्वाणुण्णा—से जहाणामए आयरिए इ वा उवज्झाए इ वा कस्सइ कम्मि कारणे तुट्ठे समाणे हत्थि वा मुहभंडगमंडियं, आसं वा थासगचामरमंडियं, सकडगं दासं वा, दासि वा सव्वालंकारविभूसियं अणुजाणिज्जा । सेत्तं मीसिया दव्वाणुण्णा । सेत्तं कुप्पावयणिया दव्वाणुण्णा ॥
१९. से किं तं लोउत्तरिया दव्वाणुण्णा ? लोउत्तरिया दव्वाणुण्णा तिविहा पण्णत्ता, तं जहा—सचित्ता अचित्ता मीसिया ॥

१. पडं (क) ।

४. वा वल्लयं वा (क) ।

२,३. वणिया (क) सर्वत्र ।

२०. से किं तं सच्चिता दब्बाणुण्णा ? सच्चिता दब्बाणुण्णा—से जहाणामए आयरिए इ वा उवज्झाए इ वा 'थेरे इ वा पवत्ती इ वा' 'गणी इ वा' गणहरे इ वा गणावच्छेयए इ वा सिस्सस्स वा सिस्सिणीए वा कम्मि कारणे तुट्ठे समाणे सोसं वा सिस्सिणिं वा अणुजाणेज्जा । सेत्तं सच्चिता दब्बाणुण्णा ॥
२१. से किं तं अचित्ता दब्बाणुण्णा ? अचित्ता दब्बाणुण्णा—से जहाणामए आयरिए इ वा उवज्झाए इ वा थेरे इ वा पवत्ती इ वा गणी इ वा गणहरे इ वा गणावच्छेयए इ वा सिस्सस्स वा सिस्सिणीए वा कम्मि कारणे तुट्ठे समाणे वत्थं वा पायं वा पडिग्गहं वा कंबलं वा पायपुंछणं वा अणुजाणेज्जा । सेत्तं अचित्ता दब्बाणुण्णा ॥
२२. से किं तं मीसिया दब्बाणुण्णा ? मीसिया दब्बाणुण्णा—से जहाणामए आयरिए इ वा उवज्झाए इ वा 'थेरे इ वा पवत्ती इ वा' 'गणी इ वा' गणहरे इ वा गणावच्छेयए इ वा सिस्सस्स वा सिस्सिणीए वा कम्मि कारणे तुट्ठे समाणे सिस्सं वा सिस्सिणिं वा सभंड-मतोवगरणं अणुजाणेज्जा । सेत्तं मीसिया दब्बाणुण्णा । सेत्तं लोउत्तरिया दब्बाणुण्णा । सेत्तं जाणगसरोरभवियसरीरवइरित्ता दब्बाणुण्णा । सेत्तं नोआगमतो दब्बाणुण्णा । सेत्तं दब्बाणुण्णा ॥
२३. से किं तं खेत्ताणुण्णा ? खेत्ताणुण्णा—जो णं जस्स खेत्तं अणुजाणति, जत्तियं वा खेत्तं, जम्मि वा खेत्ते । सेत्तं खेत्ताणुण्णा ॥
२४. से किं तं कालाणुण्णा ? कालाणुण्णा—जो णं जस्स कालं अणुजाणति, जत्तियं वा कालं, जम्मि वा काले अणुजाणति, तं जहा—तीतं वा पडुप्पणं वा अणागतं वा वसंतं हेमंतं पाउसं वा अवत्थाणहेउं । सेत्तं कालाणुण्णा ॥
२५. से किं तं भावाणुण्णा ? भावाणुण्णा तिविहा पणत्ता, तं जहा—लोइया कुप्पावयणिया लोउत्तरिया ॥
२६. से किं तं लोइया भावाणुण्णा ? लोइया भावाणुण्णा—से जहाणामए राया इ वा जुवराया इ वा जाव' तुट्ठे समाणे कस्सइ कोहाइभावं अणुजाणिज्जा । सेत्तं लोइया भावाणुण्णा ॥
२७. से किं तं कुप्पावयणिया भावाणुण्णा ? कुप्पावयणिया भावाणुण्णा—से जहाणामए केइ आयरिए इ वा जाव' कस्सइ कोहाइभावं अणुजाणिज्जा । सेत्तं कुप्पावयणिया भावाणुण्णा ॥

१. पवत्तए इ वा थेरे इ वा (क) ।
 २. × (क) ।
 ३. सिस्सिणीअं (क) ।
 ४. सिस्सिणियाए (पु) ।
 ५. पवत्तए इ वा थेरे इ वा (क) ।

६. × (क) ।
 ७. सिस्सिणीअं (क) ।
 ८. वणिया (क) ।
 ९. सूत्र १२ ।
 १०. सूत्र १६ ।

२८. से किं तं लोउत्तरिया भावाणुण्णा ? लोउत्तरिया भावाणुण्णा—से जहाणामए आयरिए इ वा जाव' कम्मि कारणे तुट्ठे समाणे कालोच्चियनाणइगुणजोगिणो विणीयस्स खमाइपहाणस्स सुसीलस्स सिस्सस्स तिविहेणं तिगरणविसुद्धेणं भावेणं आयारं वा सूयगडं वा ठाणं वा समवायं वा विवाहपण्णत्तिं वा नायाधम्मकहं वा उवासगदसाओ वा अंतगडदसाओ वा अणुत्तरोववाइयदसाओ वा पण्हावागरणं वा विवागसुयं वा दिट्ठिवायं वा सव्वदव्व-गुण-पज्जवेहिं सव्वाणुओमं वा अणुजा-णिज्जा । सेत्तं लोउत्तरिया भावाणुण्णा । सेत्तं भावाणुण्णा ।

गाहा—

किमणुण्ण ? कस्स णुण्णा ? केवतिकालं पवत्तिया णुण्णा ? ।
 आदिकर पुरिमत्ताले, पवत्तिया उसभसेणस्स ॥१॥
 अणुण्णा उण्णमणी णमणी णामणी ठवणा पभवो पभावण पयारो ।
 तदुभय हिय मज्जाया, णाओ मग्गो य कप्पो य ॥२॥
 संगह संवर णिज्जर ठिइकरणं चेव जीववुद्धिपयं ।
 पदपवरं चेव तथा, वीसमणुण्णाए णामाईं ॥३॥

परिसिद्धं २ जोगनंदी

१. नाणं' पंचविहं पण्णत्तं, तं जहा—आभिणिबोहियनाणं सुयवाणं ओहिनाणं मणपज्जवनाणं केवलनाणं ॥
२. तत्थ णं चत्तारि नाणाइं ठप्पाइं ठवणिज्जाइं, णो उद्दिस्संति णो समुद्दिस्संति णो अणुण्णविज्जंति, सुयनाणस्स पुण उद्देसो समुद्देसो अणुण्णा अणुओगो य पवत्तइ ॥
३. जइ सुयनाणस्स उद्देसो समुद्देसो अणुण्णा अणुओगो य पवत्तइ, किं अंगपविट्ठस्स उद्देसो समुद्देसो अणुण्णा अणुओगो य पवत्तइ ? किं अंगबाहिरस्स उद्देसो समुद्देसो अणुण्णा अणुओगो य पवत्तइ ? गोयमा ! अंगपविट्ठस्स वि उद्देसो समुद्देसो अणुण्णा अणुओगो य पवत्तइ, अंगबाहिरस्स वि उद्देसो समुद्देसो अणुण्णा अणुओगो य पवत्तइ । इमं पुण पट्ठवणं पडुच्च अंगबाहिरस्स उद्देसो समुद्देसो अणुण्णा अणुओगो य पवत्तइ ॥
४. जइ पुण अंगबाहिरस्स उद्देसो समुद्देसो अणुण्णा अणुओगो य पवत्तइ, किं कालियस्स उद्देसो समुद्देसो अणुण्णा अणुओगो य पवत्तइ ? उक्कालियस्स उद्देसो समुद्देसो अणुण्णा अणुओगो य पवत्तइ ? गोयमा ! कालियस्स वि उद्देसो समुद्देसो अणुण्णा अणुओगो य पवत्तइ, उक्कालियस्स वि उद्देसो समुद्देसो अणुण्णा अणुओगो य पवत्तइ । इमं पुण पट्ठवणं पडुच्च उक्कालियस्स उद्देसो समुद्देसो अणुण्णा अणुओगो य पवत्तइ ॥
५. जइ उक्कालियस्स उद्देसो समुद्देसो अणुण्णा अणुओगो य पवत्तइ, किं आवस्सगस्स उद्देसो समुद्देसो अणुण्णा अणुओगो य पवत्तइ ? आवस्सगवइरित्तस्स उद्देसो समुद्देसो अणुण्णा अणुओगो य पवत्तइ ? गोयमा ! आवस्सगस्स वि उद्देसो समुद्देसो अणुण्णा अणुओगो य पवत्तइ, आवस्सगवइरित्तस्स वि उद्देसो समुद्देसो अणुण्णा अणुओगो य पवत्तइ ॥
६. जइ आवस्सगस्स उद्देसो समुद्देसो अणुण्णा अणुओगो य पवत्तइ, किं १. सामाइयस्स

१. तुलना—अणुओगदाराइं सूत्र १-५ ।

२. चउवीसत्थयस्स ३. वंदणस्स ४. पडिक्कमणस्स ५. काउस्सग्गस्स ६. पच्चक्खाणस्स ? सव्वेसि एतेसि उद्देशो समुद्देशो अणुण्णा अणुओगो य पवत्तइ ॥
७. जइ आवस्सगवइरित्तस्स उद्देशो समुद्देशो अणुण्णा अणुओगो य पवत्तइ, किं कालियसुयस्स उद्देशो समुद्देशो अणुण्णा अणुओगो य पवत्तइ? उक्कालियसुयस्स उद्देशो समुद्देशो अणुण्णा अणुओगो य पवत्तइ? कालियस्स वि उद्देशो समुद्देशो अणुण्णा अणुओगो य पवत्तइ, उक्कालियस्स वि उद्देशो समुद्देशो अणुण्णा अणुओगो य पवत्तइ ॥
८. जइ उक्कालियस्स उद्देशो समुद्देशो अणुण्णा अणुओगो य पवत्तइ, किं १. दसवेकालियस्स २. कप्पियाकप्पियस्स ३. चुल्लकप्पसुयस्स ४. महाकप्पसुयस्स ५. उववाइयसुयस्स ६. रायपसेणीयसुयस्स ७. जीवाभिगमस्स ८. पण्णवणाए ९. महापण्णवणाए १०. पमायप्पमायस्स ११. नंदीए १२. अणुओगदाराणं १३. देविदथयस्स १४. तंदुलवेयालियस्स १५. चंदाविज्जयस्स १६. सूरपण्णत्तीए १७. पोरिसिमंडलस्स १८. मंडलप्पवेसस्स १९. विज्जाचरणविणिच्छियस्स २०. गणिविज्जाए २१. सल्लेहणासुयस्स २२. विहारकप्पस्स २३. वीयरामसुयस्स २४. भाणविभत्तीए २५. मरणविभत्तीए २६. मरणविसोहीए २७. आयविभत्तीए २८. आयविसोहीए २९. चरणविसोहीए ३०. आउरपच्चक्खाणस्स ३१. महापच्चक्खाणस्स ? सव्वेसि एएसि उद्देशो समुद्देशो अणुण्णा अणुओगो य पवत्तइ ॥
९. जइ कालियस्स उद्देशो समुद्देशो अणुण्णा अणुओगो य पवत्तइ, किं १. उत्तरज्जयणाणं २. दसाणं ३. कप्पस्स ४. ववहारस्स ५. निसीहस्स ६. महानिसीहस्स ७. इसिभासियाणं ८. जंबुदीवपण्णत्तीए ९. चंदपण्णत्तीए १०. दीवपण्णत्तीए ११. सागरपण्णत्तीए १२. खुड्डियाविमाणपविभत्तीए १३. महल्लियाविमाणपविभत्तीए १४. अंगचूलियाए १५. वग्गचूलियाए १६. विवाहचूलियाए १७. अरुणोववायस्स १८. वरुणोववायस्स १९. गरुलोववायस्स २०. धरणोववायस्स २१. वेसमणोववायस्स २२. वेल्धरोववायस्स २३. देविदोववायस्स २४. उट्टाणसुयस्स २५. समुट्टाणसुयस्स २६. नागपरियावणियाणं २७-३१. निरयावलियाणं कप्पियाणं कप्पविडिसियाणं पुप्फियाणं पुप्फचूलियाणं (वण्हियाणं) वण्हदसाणं ३२. आसीविसभावणाणं ३३. दिट्ठिविसभावणाणं ३४. चारणभावणाणं ३५. सुमिणभावणाणं ३६. महासुमिणभावणाणं ३७. तेयग्गिनिसग्गाणं ? सव्वेसि पि एएसि उद्देशो समुद्देशो अणुण्णा अणुओगो य पवत्तइ ॥
१०. जइ अंगपविट्ठस्स उद्देशो समुद्देशो अणुण्णा अणुओगो य पवत्तइ, किं १. आयारस्स २. सूयगडस्स ३. ठाणस्स ४. समवायस्स ५. वियाहपण्णत्तीए ६. नायाधम्मकहाणं ७. उवासगदसाणं ८. अंतगडदसाणं ९. अणुत्तरोववाइयदसाणं १०. पण्हावागरणाणं ११. विवायसुयस्स १२. दिट्ठिवायस्स ? सव्वेसि पि एएसि उद्देशो समुद्देशो अणुण्णा अणुओगो य पवत्तइ । इमं पुण पट्टवणं पडुच्च इमस्स साहुस्स इमाए साहुणीए

(अमुगस्स सुयस्स) उद्देशो समुद्देशो अणुण्णा अणुओगो य पवत्तइ । खमासमण्णाणं
हत्येणं सुत्तेणं अत्थेणं तदुभएणं उद्देशामि समुद्देशामि अणुजाणामि ॥